

T. 150

ازوملی
حجری
جغرافیا -

دار الشفقه الاسلامیه تدریس اولمق اوزره مجلس
تدریسه اسلامیه طرفدن انتخاب وقبول اولمشدر

شام شریف مکتب اعدادیسی مدیری یکباشی عزت افدینک
اثریدر

- - - - -

هر حقوقی دار الشفقه عاندر



دفعه خامسه اولمق

استانبول

(مهر) مطبعه سی - باب القیاده

۱۳۰۲

T. 150

(علاوہ)

ملخص جغرافيا

دار الشفقه الاسلاميه ده تدريس اولفق ا
تدريسيه اسلاميه طرفدن انتخاب وقبول

شام شريف مكتب اعداديسي مديري ييكاشه ع ت افندتك
اثيردر

تقوى دار الشفقه به

دفعه خامسه اولهرق

استانبول

(مطبعه سى - باب على جاده سنده نومرو ۷)

۱۳۰۲

﴿ملخص جغرافيا﴾

(بسم الله الرحمن الرحيم)

الله رب العالمين * والصلوة والسلام على محمد
(وعلى آله وصحبه اجمعين)

﴿معلومات عموميه﴾

(شكل ارض)

يعنى یرك بیجی

جغرافیا (احوال ارضدن) یعنی یر یوزینک
طاغلرندن وصولرندن وانسانلرندن وسائر شیلرندن بحث
ایدن علمه دینور .


(ارض) مدور الشكل یعنی یوارلق اولوب اوزرنده
کنیش صحرالر ودرین صولر ویوکسک طاغلر بولنور .

کرویتنه یعنی یوارلقلغنه علامت ایسه بردکر کنارنده
طوروبده دکرک ایلروسندن قییه طوغری کلان کمییه
نظر ایدلده کده اولاکمینک دیرکلرینک تپه سی صکره

اورته‌سی ونهایت کنديسی کورلمسيدر و بر کيده بولنان
يولجي کيدن قره‌يه باقدقده ينه بويله‌جه اولا طاغلك
تپه‌سنى و صكره اورته‌سنى و يا قلاشدقجه اتكلريني
کورمسيدر .




بر ميدانده و يا صحرا ده طور يلو بده کوز آله بيلديکنه
قدر اطرافه باقدقده طاغلك دومانلى صرتلري و اووالرك
خيال ميال نهايتلري بر دائره کبي کورينور که اشبو
دائره‌يه (افق) دينور .



کره ارضک محيطي يعنى چوره‌سی (۴۰,۰۰۰)
کيلو مترودر (برکيلو مترو بيک زراع اعشاري ديمکدر)

وقالئلئى ىعنى اوزرئءء بولئان بر محل اىله اورئءءسئءء.
كچءرك اشبوحلك قارشوسئءء وىئء كره اوزرئءء بشقء
بر محل بىئئءء اولان مسافء (١٣,٠٠٠) كىلو مئروءر .
اك يوكسك طاغلرك ارئفاعى ىعنى يوكسكلكلرى
سكزءن طقوز كىلو مئروىء قءرءر . طاغلرك يوكسكلكى
اىسء كرهئك بىوكلكئءء كوره بر بىوك پورتقالك اوزرئءء
بولئان پروزلره نسبئى قىىلئءن بىله ءكلءر .



(كره ارضك حركئى)

كره ارض بالءاء مئءر كءر . ىعنى كئءى كئءىئء


وېر دوزی په بریاندن اوېر یانه کونشه قارشو دوزر یاتر
بوندن کیجه ویاری کیجه وکوندز وکونک یاریسی کې
وقتار حاصل اولور وزمان وساعتلر بیلنور .

کره ارضک اشبو حرکت ودوری یعنی بریاندن
اوېر یانه تمامیه برکړه دوعسی یکر می درت ساعته در .

بونکله برابر کونشک اطرافنده دخی بر حرکت
ودوری دهآ واردر که بونیده بو محرک اوزرنده بر سنه
ظرفنده بتورر .

وشو ایکی درلو دوری ایسه برمولوی دوریشنک
سماع ودورانی کیدر و بر سنه ظرفنده و محرک اوزرنده
دور ایله آلدینی مسافه (۹۰۰) ملیون کیلو مترودر
اشته کره شو بیوکلکله پک خیزلی دوندیکندن حرکتی
ایدلما مکده در .

کره ارض کې کره قر یعنی آی دخی کره ارضک
افنده اوتوز کونده یعنی برآیلق زمان مدتنده برکړه
یده ایسه اون ایکی کره دور و حرکت ایلمکده در .




(جهات یعنی ارض اوزرنده واقع سمتل)
یوقاروده تعریف اولنان (افق) اوزرنده کونشك
طلوع ایتدیکی یعنی طوغدینی جهته (شرق جهتی)
وغروب ایتدیکی یعنی کونشك باتدینی سمتہ (غرب
جهتی) دینور .

بو ایکی جهت آره‌سنده شرق جهتی صاغه وغرب
جهتی صوله کلمک اوزره طوران بر آدم فرض اولندینی
تقدیرده دخی ینه (افق) اوزرنده ایلروسنه طوغری
باقدینی سمتہ (شمال جهتی) آرقہ سمتہ (جنوب جهتی)

و بودرت جهته ايسه (جهات اصلیه اربعه) دیرلر وخریطه اوزرنده ایکیسنی حرف اوللری وایکسنیده حرف اخیرلیله اشعار ایدرلر .


اشبو جهتلردن بشقه درت جهت دها واردرکه آنلرده (جهات فرعیه) دیرلر: بری شمال ایله شرق بیننده (شمال شرقی) و دیگرکی شمال ایله غرب بیننده (شمال غربی) جهتیدر و دیگرکی ایکی جهت دخی (جنوب شرقی) و (جنوب غربی) جهتیدر. جهات اصلیه و فرعیه دن بشقه دها بر چوق جهتلر اولوب آنلرده (جهات مرکبه) دیرلرکه مجموعی اوتوز ایکی جهته بالغ اولور .



جهات اصلیه کونشک طوغمسيله یوقاروده تعریف اولندیغی و جهله شرق و غرب جهتلری آره سنه طور یله رق تعیین اولندیغی کبی جهتلرک جهله سی دخی (بوصله) دینیلان آلت ایله بولنور .

چونکه کونش ایله شرق و غرب جهتلی معلوم
اوله جنی کبی آلتک (اړه) دینیلان و بر میل اوزرنده دون
پارچه سنک آلت دوز پړده دوزلده دخی مطلق براوجی
شمال و دیگر اوجی جنوبی کوستر مسیله سائر جهتلر دخی
معلوم اولور .

بتون کره ارضک ویا بر قسمک رسملری نقش اولنان
لوحه لره (خریطه) دینور . و بو خریطه لر دائماً شمال جهتی
یوقاروسنه و جنوب جهتی اشاغیسنه و شرق و غرب جهتلی
دخی اصاغ وصول یاننه کلمک اوزره نقش ورسم اولنورلر .



(قطبیلر - و محور عالم - و خط استوا)

کره ارضک کندی کندینه بر یاندن او بر یانه بر

دوزی به دوری بر دونه طولابك ايكي اوجلری اشاغیلی
 یوقاریلی برر محله ایلشدرملکه اولدینی یرده دونمسنه
 مشاهد بر یعنی شمال و جنوب جهتلری نهایتلری ایکی
 اوجلری مقامنده اوله رق برر محله ایلشدرملشده اویله
 دونیور کیدر . و کره نك اشبو نهایتلری جهتلرندن
 شمال جهته (قطب شمالی) و جنوب جهته (قطب
 جنوبی) دینور .

وشو ایکی قطب بیننده و کره نك تا اورته سندن
 مکمک اوزره فرض اولنان بر خطه دخی (محور عالم)
 تسمیه ایدیلور بو تقدیرجه کره ارض بر یاندن او بر یانه
 محوری اطرافنده دور ایدیور دیمک اولور کره ارض
 اوزرنده قطبلردن مساوی اوزاقلقلرده و شرق ایله غرب
 بیننده اولمق اوزره چپه چوره فرض و رسم اولنان
 و کره یی اشاغیلی یوقاریلی تمامی تمامنه ایکی بیوک قسمة
 آیران دائره یه (خط استوا) دیرلر . کونش بو دائره
 اوزرنده فوق السماء مرور ایتدیکنده کیجه ایله کوندز
 مدتجه بری برینه مساوی اولورلر .



کرهٔ ارضك اَك صیجاق یرلری اشبو خط استوايه
 قریب وجوار بولنان محللریدر . واك صغوق یرلری ايسه
 قطبلریدر . ومعتدل یعنی صیجاقنی آزجه ویا زیاده جه
 اولان محللری دخی قطبلره خط استوا آره سنده بولنان
 یرلردر .

﴿ وسعت . - وجسامت ارض ﴾

کرهٔ ارضك محیطی یعنی چوره سی بر (دائره) اولوب
 اوده (۳۶۰) درجه اعتبار اولندیفی کبی مسافه سی دخی
 (۴۰,۰۰۰) کیلو مترو (۹,۰۰۰) فرسخ اعشاری حساب
 اولمشدر . بو صورتده ارض اوزرنده بر درجه لك بعد
 ومسافه (۱۱۱) کیلو مترو (۲۵) فرسخ اعشاری ديمك
 اولور .

خریطة اوزرنده هر قننی بر طول معلومی کوسترر

و (مقیاس) دینلور بر خط رسم ایدیلور که بهر درجه نیک
بعد و مسافه سی اشبو مقیاس ایله اولچیلور .

﴿ تعریفات جغرافیا ﴾

کره ارض صو ایله طوپراغک برلشمسندن حصوله
کملکه اوزرنده بولنان اک بیوک قرهیه (قطعه) دینلور
وقطعه لک بیوک لرینه (ممالک) و (اقلیم) و (الکا = اولکه)
دینلور . و اطراف صو ایله چورلمش اولان ککوچک
و پارچه قره لره (آله) و (جزیره) تسمیه اولنور .

بربرینه یقین اوله رق طولو بربرده بولنان اطه لره
دخی (جزائر مجتمعه) دیرلر .

بیوک قره لر بر جهتن بیتشک فقط اوج جهتن
صو ایله چورلمش اولان برقسم ارضه دخی (یاریم آله)
(وشبه جزیره) تعیر ایدرلر .

صولرک پک درین اولیان یرلرینه (صیغ) و قوملی
اولان یرلره (قومسال) دیرلر .

ایکی قره یی بربرینه بتشدیرن طارجه برقرهیه (دل)
و (برزخ) تسمیه اولنور .

قره لک صولره یقین اولان کنارلرینه (قی) و (ساحل)
و سواحل دیرلر .

سواحلك دكزه طوغرى اولان چيقنديلرينه (برون)
و (رأس) ديرلر .

بر صويك آقدينى طرفه يوزيني چويران كمسه نك
صاغ طرفه كلان كناره (ساحل يمينى) وصول طرفه
كلان كناره (ساحل يسارى) ديرلر .

كره ارض اوزرنده ياييلمىش اولان واسع ودرين
صولره (دكز) و (بجر) اطلاق اولنور .

دكزلر ك قطعهلر چويرمىش اولنلرينه (طيش دكز)
و (بجر محيط) دينور .

ودكزلر ك قره يه كيرمىش اولان قسملرينه بيوك ايسه
(كورفز) و كوچك ايسه (قوى) دينلور .

كورفزك كى بارينه بيلنلرينه (ليمان) و (مرسى) ديرلر .

ايكى قره اراسنده اولوب ايكى دكزى بربريله
برلشدين طار صولره (بوغاز) و (خليج) تعبير اولنور .

قطعهلر واطهلر اوزرنده اطرافى قره ايله چورلمىش
اولان درين بريكتى صولره (كول) و (بركه) ودرين

اوليان بريكتى صولره دخى (بتاقلق) و (كولجك) ديرلر .

دكزلر ك اكثرى بوغازلرده صولر ك خيزله آقسسنة
(اقدى) تعبير ايدرلر .

آی وکونشک تأثیر یله صولرک بعض محللرده ایکی دفعه ساحلره یا یلمسینه (مد) و ساحلردن چکلمسینه (جذر) اطلاق اولنور .

کره ارض اوزرنده دوز وکوز الا بیلدیکنه قدر ککیش اولان یرله (اووا) و اووالرک چایر و چنلک محللرینه (اوتلاق) و (مرعا) دینلور . منبت اولمیوب و مسکن ایدنمکده قابلیتی اولمیان یرله (چول) = بیابان = صحراء و هر طرفی چول ایله چورلمش منبت و چایرلو یرلرده (واح) دینور .

ارض اوزرنده قباروب یوکسلمش اولان یرله (طاغ) و (جبل) و طاغلرک یوکسلوب چیقمش اولان یرلرینه (تپه) و (زروه) کوچک تپهله (اویوک) و (تل) دینور و آلحق یرلرینه ده (اتک) و (دامن) تعیر اولنور .

بربر یله برلشهرک بویدنویه اوزانمش اولان طاغلره (صره طاغیر) و (جبال متسلسله) و (سلسله جبال) و طاغلرک اوستلرنده بولنان دوزلکه (صرت) و اوتلاق و صولاق ایسه (یا یلا) تسمیه اولنور .

تپه و زروه لرندن آتش پوسکورن طاغلرده (ینار طاغ) (وولقان) دینلور .

ایکی طاغ بیتنده بولنان طارلغه (کچید) و (دربند)
و بوغاز دینلور .

ایکی طاغك اتککری اراسنده بولنان یرلره (دره)
و (وادی) دیرلر .

طاغلرک قیالق محللرنده و بوکورلرنده بولنان بوشلقلره
(غار) و (مغاره) اطلاق ایدرلر .

طاغلرک صیق اغاجلق محللرینه (قوری) و (اورمان)
دینلور .

قطعهلر و بیوک آطه‌لر اوزرنده بر چوق یرلر
طولاشه‌رق دکره آقان بیوک ودرین صولره (نهر)
اطلاق اولنور .

دکرلره آقان ویا نهرلره قاریشان کوچک صولره دخی
(ایرماق) ودها کوچک اولورسه (چای) دینور .

شدتلی یغان یغمورلردن حاصل اوله‌رق آقان صولره
(سیل) دیرلر .

نهر وچای وایرماقلرک یتاقلرینه (مجری) وچیق‌دقلری
یره (منبع) و دکره دوکلدکلی یره (منصب) و دکرله
برلشدکلی یره (فم) دیرلر .

و بر طاقم قوللره آیریله‌رق بر قاچ فله دکره آقان

صولرك حصوله كتوردیكى چیقندی محله (ذالیه) و (دلنا) تعیر ایدرلر .

ایکی نهر ویا ایرماق ویا چایك بر بر یله قارشدقلری یره (ملتقی) دیرلر .

اوچوروم یرلردن آقان صولره (چاغلان) مخصوصاً یاییلوبده صو طولدیریلان یره (حوض) دینور .

برقطه نك صولرینك اکثریسی بر جهته آقهرق دکره دوکلدکلری میللو برقسم ارضه (سطح مائل) و (ورسان) دیرلر .

کمی یوزه جك درینلکده اولمق اوزره مخصوص آچیلان وهرایکی صوی بر بر یله برلشدیرن بیوک خرقلره (قال) و (جدول) وجدولك نهردن آیرلدینی یره (ترعه) اطلاق ایدرلر .

(کره مسطحه)

کره ارضك تمامی ایکی دائرة ایچنده اولهرق

خریطه یه (کره مسطحه) دینور .

دائرة نك بری کره نك بر نصفك و دیگرى دخى اوبر

نصفك خریطه سنی کوسترر .

کره ارض (اوروپا) و (آسیا) و (آفریقا) و (آمریقا)
و (اوقیانوسیا = فلنمک جدید = اوسترالیا) ناملریله
بش قطعہ کیرہنی حاویدر . بونلردن اوروپا و آسیا
و آفریقا و اوسترالیا قطعہلری دئما کره مسطحہنک بر
قسمندہ و آمریقا قطعہسی دخی یالکز اوله رق دیکر بر
قسمندہ اولق اوزره رسم اولنور .

بش قطعہدن اوروپا و آسیا و آفریقا قطعہلرینه اسکی
دنیا و آمریقا و اوسترالیا قطعہلرینه یکی دنیا دینلور .

کره ارض (بحر محیط اطلاسی) و (بحر محیط کیر)
و (بحر منجمد شمالی) و (بحر منجمد جنوبی) و (بحر
محیط ہندی) ناملریله بش عدد یوک دگری و بر عدد
دخی متوسط یعنی (بحر سفید) نامیلہ اورته دگری
حاویدر .

بحر محیط اطلاسیہ (بحر محیط غربی) ده دینور .
اوروپا و آفریقا و آمریقا قطعہلری بینندہ واقعدر .
(بحر محیط کیر) آسیا و آمریقا قطعہلری بینندہ کائن
و اوسترالیا قطعہسنی ایسہ کاملاً محیطدر .

(بحر منجمد شمالی) کره ارضک قطب شمالیسنی
و (بحر محیط جنوبی) دخی قطب جنوبیسنی احاطہ

ایتملردر و (بحر محیط هندی) دخی آسیا قطعه سنک جنوب جهتده کائندر. شومتوسط (بحر سفید) اوروپا و آسیا ایله افریقا قطعه لری بینده بولمقده در.

(مقدار جنس بشر)

عموماً کرهٔ ارضک بر ملیار ایکی یوز ملیون قدر نفوسی اولوب جنسیتجه اوج بیوک قسمة تقسیم اولنملردر. بری (بیاض) یعنی (قوقاس) جنسیدر و دیگری (اصفر) و یاخود (موغول) جنسیدر و بر دیگری ایسه (سیاه) یعنی (زنجی) جنسیدر.

(قوقاس جنسی) بتون اوروپا قطعه سنه و آسیا قطعه سنک غرب و افریقا قطعه سنک شمال جهتلرینه یاییلوب یرلشمش اولان اهالیدر. بونلردن هواسی صیجاق اولان مملکتلر اهالیسنک رینکلی بر از اسمرلشمش ایسه ده علی العموم بوی و بوسلری یاقیشیقلو و باشلری یصیجه و آغلری کوچک و ساچلری ایجه و یومشاق و الحاصل اعضالری کاملاً دوزکوندر.

(اصفر جنسی) آسیا قطعه سنک شرق و شمال جهتلرینه یاییلوب یرلشمش اولان اهالیدر بونلرکده عموماً چهره سی

اڭلى و باشلىرى يوارلىق ورنكلرى صارى و يوزلى
 قزل و اغزلى ايرى و برونلى چوكوك و كوزلى
 اوزون و كوچوك وساچلىرى سياه وصيق و قوي رچقدر .
 (زنحى جنسى) دخى آفريقا قطعه سنك اك بيوك
 قسمى اولان وسط و جنوب جهتلىرىنه يايىلوب يرلشمش
 اولان اهالىدر . بونلك چهره لرى طوب ورنكلرى سياه
 و آلنلىرى دوز و برونلى اوزون و يصى و دوداقلرى
 اڭلى و صارقيق و ديشلىرى بياض و اوزونجه و اغزلى
 ايرىجه وساچلىرى قارمه قارشىق و اكثريت اوزره طبيعتلىرى
 وحشيدر .

بونلردن ماعدا رنكلرى آچيق سياه و زيتونى
 و قرمزى يه مياى ديكرنوع سياهيلر واردركه زنحى جنسه
 منسوب اوليوب ازوچوق ذكر اولنان اوچ جنسه ده
 شاهتلىرى واردر . آچيق سياه رنكلولرى اوقيانوسيا
 قطعه سنك شمال غربى جهتك (مالز) دنيلان اهالىسيدر .
 قرمزى يه مائل رنكلولرى ايسه آمريكانك (هندي)
 دنيلان يرلو اهالىسيدر .

(جمعيت بشر - واديان)

(بى بشر) يعنى انسانلر بو عالمده بر جمعيت پيدا ايتدكلرى

حالدہ یامدنی ویابدوی ویاخود وحشی اولہرق یشارلر .
 (مدنیلر) معمور شہرلر وقصبہ وقریہلر دہ اوطورلر
 ودولت نامیلہ برہیئت تشکیل ایندوب اکا تابع اولورلر .
 یارم مدنی صاییلان خیمہ نشین بدویلر دخی قیلہ قیلہ
 آیریلہرق وهرقیلہ برشیخ . ویابررئیس قیلہ نک اداره
 وحکمى آلتندہ اولہرق شورادہ بورادہ قونوب کوچمکہ
 عمرلرینی کچورلر .

(وحشی) یعنی یبانیلر ایسہ اکثری برر پوستہ
 بورغنش اولدقلری خالدہ جمعیتلہ طاغ قغوقلرندہ مکان
 طوتوب حیوان کبی کچنور کیدرلر .

کرۂ ارضک حاوی اولدینی بش قطعہ دن ہر برینک
 اقسامنہ مملکت دنیلور . ہر مملکت بر حکومتلہ اداره اولنور .
 حکومتلر ایسہ البتہ بردولتہ منسوبدرلر . دولتلرک برر
 حکمداری اولوب (پادشاہ = سلطان = امیر) و (امیرا-
 طور) و (قرال) (خان) ناملریلہ تعبیر اولتمقدہ درلر .
 بعض مملکتلر دخی اہالینک انتخابیلہ نصب اولنور بر
 رئیس معرفتیلہ اداره اولنور بر حکومت تشکیل ایدرلر کہ
 اکادہ (جمہوریت) وریئسلرینہ (رئیس الجمہور) اطلاق

ایدرلر مدنی دولت و ملتار صنعت و تجارتده و علم و معرفتده پک چوق ایلرولمشلر و حالاده ایلرولمکده بولنمشلردر .

بدویلرک ایسه مرعادن مرعایه اقامت ایتمکدن . و حیوانات بسلامکدن بشقه بر صنعت و تجارتلری و وحشیلرک ایسه طاغ قغوقلرنده و مغاره لرده مسکن طوته رق قوش و بالق آلوریله کچنمکدن غیری ایشلری یوقدر .

یریوزینک بالجمله اهاالسی اوچ دین ایله متدیندرلر . اشبودینلردن بری مطلقا حق اولان (اسلام) دینیدرکه مسلمانلرک کافه سی اشبو دین اسلام ایله متدیندرلر و بری دخی (خرستیان) دینیدرکه عیسویلرک جمله سیده بو دین ایله متدیندرلر و دیگر بری دخی (یهودی) دینیدرکه موسویلرک هپسی بو دین ایله متدیندرلر .

خرستیان و یهودی دینلری دین اسلامک ظهوریله نسخ اولنمشدر .

بر طاقم اهاالیده واردرکه کیمی آتسه کیمی حیوانات و جاداته طایمغله (مشرک) اسمیله یاد اولنورلر .

(اوروپا قطعہ سی)

(اوروپا قطعہ سنک حدودی)

اوروپا قطعہ سی کرۂ ارض اوزرنده موجود بش
قطعہ نك اك كچوكى فقط اك معمور و مشهوريدر .
اشبو قطعہ (خط استوا) ایلہ (قطب شمالی) آراسنده
واقع و عموما اقلیمی هوادار اولدینی کبی شمال قسمی
صفوق و جنوب قسمی ایسه معتدل و سیجاقدرد .

و بر بیوک شبه جزیره اولدینی حالدہ شمال شرقی
جهتندن جنوب غربی جهتنه طوغری اوزونلامسنه
واقع اولمش و شرق جهتندن (اورال) طاغلری و (اورال)
نهری و (قوقاس) برزخیله آسیا قطعہ سندن آیرلمش و سائر
جهتندن دخی دکر ایلہ چورلمشدر و آفریقا قطعہ سندن
ایسه سبتہ بوغازی آیرمشدر .

(اوروپا قطعہ سنک ساحلری و دکرلری)

(و کورفزلی)

اوروپا قطعہ سنک ساحلری بر چوق درین درین
کورفزلی و قویلرله شبه جزیره لردن متشکلدر .
(بحر منجمد) شمالیدن (بحر قاره) و (بحر ابیض)

و (بحر محیط) غربیدن (بحر بالطق) دنیلان دکزلر
 حصوله کلمشدر و بحر بالطق ایسه (بوتنی) و (فنلاند)
 و (ریغا) اسملرنده اوچ کورفز احداث ایتمشدر وینه
 (بحر محیط) غربیدن (بحر شمال) و (بحر مانس) (*)
 و (بحر ایرلانده) و (بحر بیسقای) ناملرنده اولان
 درت دکزدها حصوله کلمش و بحر شمال ایسه (زویدرزه)
 اسمنده برکورفز وجوده کتورمشدر و بیسقای دکزینه
 (غاسقونیا) کورفزی ده دینلمکده بولتمشدر .

و (بحر سفید) دخی (تیره نین) دکزی و (وندیک)
 دکزی و (یونان) دکزی و (آطه لر) دکزی و (مرمره)
 دکزی و (قره دکز) و (آزاق) دکزی ناملرنده یدی
 دکز حاصل ایتمشدر . بحر سفید (لیون) و (جنوه)
 کورفز لرینی و (یونان) دکزی دخی (تارانت) و (نارده)
 و (اینه بختی = لپانت) کورفز لرینی و (آطه لر) دکزی
 ایسه (سلانیک) و (غلوص) کورفز لرینی احداث
 ایلمشدر .

(*) (بحر مانس) بعض کتلمده چیم ایله (مانجه) کورلمکده
 ایسه ده بودخی صرف غلط اولوب ایکی درلو سویلش ایکی لغته
 میندر زیرا « Manche » ده کی « CH » حرفی فرانسزلر (شین)
 وانکلزلر (چیم) اوقورلر بوکا بنا ایکی درلو یازلمکده در .

(بوغازلری)

(بحر بالطق) ایله (شمال دکری) اراسنده (سوند) و (کوچک بلت) و (بیوک بلت) (قاهغات) و (اسقازرراق) بوغازلری موجوددر . (شمال) دکری ایله (مانش) دکری آراسنده (پادوقاله) دینلان بوغاز و (بریتانیا) آطهسیله (ایرلانده) آطهسی بیننده دخی (شمال قنالی) و (سن جورج قنالی) دینلان بوغازلر بولمقدهدر .

بحر سفید ایله بحر محیط غربی بیننده (سبته) و یاخود (زبرالتا = جبل الطارق) دینلان بوغاز واقع اولوب اوروپایی آفریقادن آیرمشددر .

(تیره نین) دکریله (یونان) دکری بیننده (مسینا) بوغازی وقورسیقا آطهسیله ساردنیا آطهسی بیننده (بونیفاجیو) بوغازی و (وندیک) دکری ایله (یونان) دکری بیننده دخی (اوترانت) بوغازی کائن در و مرمره دکریله آطه لر دکری بیننده (چناق قلعه) بوغازی وینه مرمره دکریله قره دکر بیننده (استانبول) بوغازی واقع اولوب اوروپایی کوچک آسیا دینلان اناطولیدن آیرمشلرددر .

وقرہ دکر ایله ازاڭ دکر ی بینده ایسه (یکی قلعه)
بوغازی واقع اولمشدرد .

﴿شبه جزیره لری ودلری﴾

شمالده (اسقاندینا و) و (سمبریک) شبه جزیره لری
واقع اولوب برنجیسی (لاپونیا) دلیله اوروپایه اتصال
کسب ایتمشدرد .

وجنوب غربیده (اسپانیا) شبه جزیره سی اولوب
(پیره نه) دلیله فرانسه یه ارتباط پیدا ایلیمشدرد .

وجنوب جهتده ایسه (ایتالیا) و (روم ایلی) شبه
جزیره لری واقع اولمشدرد (وموره) اسمنده برکوچک
شبه جزیره (قورنت) دلیله روم ایلی شبه جزیره سنه
وینه (قریم) نامنده برکوچک شبه جزیره دخی (پره قوپ)
دلیله موسقوف مملکتته مربوط اوله رق بولتمقدردرلر .

﴿اطه لری﴾

اوروپا قطعه سنده پک چوق آطه لر اولوب بونلردن
ایکی بیوکی بحر منجمد شمالیده انساندن خالی وقطبه اک
یقین اولان (اسپیچبرغ) و (زانبل جدید) اطه لریدر .
دیگرلری (اسقاندینا و) شبه جزیره سنک شمال غربیسنده
بولنان (لوفودان) آطه لریله قطعه نک جهت غربیسنده

بولنان بیوک (بریتانیا و ایرلاند) آطه‌لری و بونلرک منسوب‌تندن اولان (شتلاند) و (اورقادی) و (ابرید) مجموع آطه‌لریدر. قطعه‌نک شمال غربی‌سینده ایسه (فروئه) مجموع آطه‌لریله هولسی غایت صغوق و اوروپادن زیاده امریقایه یقین اولان (ایزلاند) آطه‌سی بولنمقده‌در.

بالطوق دکرزنده دخی مشهور اوله‌رق (غوتلاند) و (ستلاند) و (فیونی) ناملرنده آطه‌لر و سائر برچوق آطه‌لر موجوددر.

شمال دکرزنده (تکسل) آطه‌سی و ایرلاند دکرزنده (مان) آطه‌سی و مانش دکرزنده (ژرسی) آطه‌سی و فرانسه دکرزنده ایسه (بل ایل) و (اولرون) کوچک آطه‌لری بولنمقده‌در.

بحر سفیده اسپانیا شبه جزیره‌سینک جهت شرقی‌سینده (باله آر) (*) دینلان آطه‌لرک مشهورلرندن (مایورقه) و (مینورقه) آطه‌لری و ایتالیا شبه جزیره‌سینه یقین (سیچیلیا) و (ساردنیا) و (قورسیقا) اسملرنده بیوک آطه‌لرله (الپ) و (لیاری) و (مالطه) آطه‌لری وارددر.

یونان (دکرزنده) دخی برچوق آطه‌لر اولوب

(*) باله‌یار کبی اوقنور

اهلر لده مشهورلری (قورفو) و (کفالونیه) اسملرند.
اولان آطه لر در .

آطه لر دکر ندہ ایسه پک چوق آطه لر اولوب انحق
اک مشهوری (اغریبوز) و (کرید) آطه لریله (سیقلاد)
مجموع آطه لریدر .

(مشهور برونلری)

اوروپا قطعہ سنده بولنان برونلرک اک مشهور
اولانلرندن بری (اسقاندیناو) شبه جزیرہ سنک تاشمال
نهایتده بولنان (نورکین) بورونیدر و (*) (سن ولسان)
و (ترافالگار) اسملرندہ اولان ایکی بیوک برون دخی
اسپانیا شبه جزیرہ سنک جنوب و جنوب غربی جهتدن
بحر محیط غربی یه طوغری چیمشلردر و (ماتابان) اسمندہ
اولان بری بیوک برون ایسه مورہ شبه جزیرہ سنک نہایت
جنوبیسنده بولنقدہ در .

(جسامتی)

اوروپا قطعہ سنک شمال شرقیدن جنوب غربی یه یعنی
(قارہ) نہری اغزنندن (سن ولسان) برونی نهایتہ قدر
(*) (سن = سان = ایا = ایسوت) خرستیانلردہ بیوک
کیمہ لره مخصوص عنواندر. ترکیده حضرت و جناب کی

اولان طولی یعنی اوزونلغی (۵۴۰۰) کیلومترودر و (شمال) برونندن (ماتاپان) بروننه قدر اولان عرضی یعنی اکی دخی (۴۰۰۰) کیلومترودر . مساحت سطحیسی ایسه (۱۰,۱۵۰,۰۰۰) کیلومترو مربعدر .

(صره طاغری)

اوروپا قطعه‌سک شمالنده (الپ اسقاندیناو) دنیلان سلسله یعنی صره طاغری (اسقاندیناو) شبه جزیره‌سنی ایکیه ایرجه‌سنه بویذنبویه و (اورال) طاغری اوروپا ایله آسیا بیننده یوقاریدن اشاغیه واقع اولمشدر . ووسطنده دخی (قارپات) و (آلپ) و (ژورا) و (ووژ) و (سه‌ون) صره طاغری واردر . بونلردن (الپ) سلسله‌سی اوروپا طاغلرینک اک بیوکی وبوطاغک (اق طاغ) دنیلان نقطه‌سی ایسه اوروپانک اک یوکسک یریدر . وجنوبنده اسپانیا ایله فرانسه اراسنده (پیره‌نه) واسپانیاک جنوبنده (سیررانوادا) طاغری وبحر حرز ایله قره‌دکز بیننده (قوقاس) سلسله‌سی وایتالیا شبه جزیره‌سند دخی (آپنن) سلسله‌سی وروم ایلنده (بالقان) طاغری واقع اولمقدهدر .

(ینار طاغری)

اوروپا قطعه سنک شمالنده ایزلاندا اطمه سنده (هقلا)
اسمنده برینار طاغ ایلہ جنوبنده ایتالیا شبہ جزیرہ سی
اوزرنده (وہزوو) وسیچیلیا آطمه سنده (اتنا) ولیاری
آطمه سنده (استرومبولی) اسمارنده ینار طاغرا اولوب
تپہ لرندن آتشلر صاحبمقدہ در .

(سطح مائلری)

اوروپا قطعه سی ایکی (سطح مائلدن) عبارتدر . بری
میلی شمال و شمال غربی یه طوغری اولان سطح مائلدرکہ
صولرینی بحر منجہ شمالی و بحر محیط غربی یه آقیدر .
دیگر میلی جنوب و جنوب شرقی یه طوغری اولان سطح
مائلدرکہ صولرینی بحر سفید و بحر حزرہ آقمقدہ در .

(نہرلری)

اوروپا قطعه سنک شمال و شمال غربی سطح مائلنده
(تورنہ آ) (*) و (پجورا) و (دوینای شمالی) و (نوا)
و (دوینای جنوبی) و (نیہمن) و (ویستول) و (اودر)
و (الپ) و (وزر) و (رن) و (موز) و (اسقو)
و (سن) و (لووار) و (غارون) و (منہو) و (دورو)

(*) تورینا کی اوقنور .

و (تاژ) (*) و (کوادیانہ) (**) و (کواد الکویر) (***) اسملرنده بیوک نہر لر اولوب بحر منجمد شمالی و بحر محیط غربی ایلہ بالطق و شمال و مانش دکرلرینہ افقده درلر .

جنوب و جنوب شرقی سطح مائلندہ دخی (ابر) و (رون) و (تبر) و (پو) و (آدیژ) و (طونہ = دانوب) و (دنیزستر = اورلہ) و (دنیر) و (دون) و (وولغا = اتل) و (اورال) اسملرنده بیوک نہر لر اولوب بحر سفید ایلہ (تیرہنین) و (وندیک) دکرلرینہ و (بحر سیاه) و (بحر ازاغ = آزوف) و (بحر حزرہ) آققده درلر و بو نہر لر ک اک بیوکی بحر حزرہ آقان و (۳۵۰۰) کیلومترو طولندہ بولسان و (ولغا) ایکنجی درجہده بیوکی (۲۷۰۰) کیلو مترو طولندہ اولان (طونہ) نہر لریدر .

(کوللری)

اوروپا قطعہسندہ بولسان بیوک کوللردن شمال طرفندہ (سایما) و (لادوغا) و (اونہغا) (وپیوس) کوللریلہ (وزر) و (وتر) و (مولار) ناملرنده کوللر اولوب ہپسیدہ

عربجہ (*) تاج (**) وادی العنہ (***) وادی الکبیر دیمکن غلطدر .

برر آباق ایله بحر بالطفه آققده در وسطده دخی ینه
 برر آباق ایله (رن) نه رینه آقان (قونسطانس) و (زوربخ)
 و (لوسرن) و (نوشاتل) کوللریله (رون) نه رینه آقان
 (جنوه) کولی و (پو) نه رینه آقان (مازور) و (قوم)
 و (غارت) کوللری وطونه نه رینه آقان (بالاطون) کولی
 بولتمقده در .

جنوب شرقیده ایسه (اشقودره) کولی اولوب و ندیک
 دک رینه آققده در و بو کوللر کده اک بیسوی (لادوغا)
 کولی اولوب پک چوق وقت بوز طوتوب قالمقده در .

(اوروپا قطعه سنک مملکتلره تقسیم)

اوروپا قطعه سی باشلوجه اون سکز بیوک مملکته تقسیم
 اولنمشدر. بونلردن سکز مملکت وسطنده اون مملکت دخی
 جزیره و شبه جزیره لر اوزرنده در. وسطده یعنی داخلده
 اولان مملکتلر غربدن شرقه طوغری واقع اولوب
 (فرانسه) و (اسویچره) و (بلجیقا) و (فلمنک) و (آلمانیا)
 و (آوستریا) و (روسیه) و (رومانیه) مملکتلری اسملریله یاد
 اولتمقده در لر .

(فرانسه)

فرانسه مملکتی وسطه صایلان مملکتلرک اک غرب جهتندہ واقع اولوب حدودی (بحر محیط غربی) و (بحر سفید) نام دکرلر و (ووژ) و (آلپ) و (پیرنه) نام طاغلرله تحدید اولمش و جمهوریتله یعنی اهالی طرفندن نصب اولمش بر رئیسک حکمی آلتندہ اوله رق اداره او- لمتقدہ بولنمشدر و جمهوریتک مقری یعنی رأس اداره سی اوروپا شهرلرینک شهرت و معموریتجه برنجیسی و بیوکلک و اهاالیسنک چوقلغنجه ایکنجیسی اولان (پارس) شهریدر. سائر مشهور بلده لری دخی (هاور) و (لیون) و (قان) و (آمین) و (ورسایل) و (طولوز) و (بوردو) و (مارسلیا) شهرلریدر (قورسیقا) اطه سی دخی فرانسه یه عائددر .

(اسویچره)

اسویچره مملکتی اوروپانک اک وسطندہ اولان مملکتلردن بری اولوب حدودی (قونستانس) و (جنوه) کوللری و (آلپ) طاغلری و (رن) و (رون) نهر- لریله تحدید اولمش و بوده فرانسه کبی جمهوریتله اداره اولمتقدہ بولنمشدر . جمهوریت مقری (برن) شهری

و معروف بلده لری دخی (زوریخ) و (بال) و (جنوه)
شهر لریدر .

(بلچیکا)

بلچیکا مملکتی اوروپانک وسطنده و ساحل اوزرنده
بولنان مملکتلردن بری اولوب حدودی (شمال) دکری
و (اسقو) و (موز) نهرلری ساحل لری ایله تحدید
اولنمش و بوده قرال نامیله بر حکمدار طرفدن اداره
اولنمقده بولنمشدر . (پای تختی) یعنی قرال مقری (بروکسل)
شهریدر و مشهور بلده لری ایسه (آنورس) و (غان)
و (لیئر) شهر لریدر .

(فلمنک)

فلمنک مملکتی دخی اوروپانک وسطنده و ساحل
اوزرنده بولنان مملکتلردن بری اولوب حدودی (شمال)
دکری و (اسقو) و (موز) نهرلری آغز لریله تحدید
اولنمش و بوده برقرایت اوله رق اداره اولنمقده بولنمشدر .
پایتختی (لاهی) شهری و سائر مشهور بلده لری دخی
(آمستردام) و (روتتردام) شهر لریدر و مملکت جوارنده
اولان و لوکسان بورغ (*) دوقه لنی دنیلان برامتیازلو

(*) (بورغ) ضمه ثقیله مقبوضه ایله شهر معناسندر .

ولایت دخی اداره سی آیری اولدینی حالده فلمنک قرالنه
تابعدر .

(آلمانیا)

آلمانیا مملکتی برچوق کوچک دولتلرک وبکلکلرک
مملکتلرندن حاصل اولمه برایمپراطورلقدر . دائره حدودی
بالطق وشمال دکری و (رین) نهری و (آلپ) طاغلریله
چورلمشدر .

(پروسیا)

آلمانیا هیئتدن (پروسیا) مملکتی بحر بالطق شمال
دکزلری ساحلندهدر . (پروسیا) قرالی عموم آلمانیانک
(ایمپراطوری) وپایتختی (برلین) (*) شهر مشهوریدر
سائر مشهور بلدهلری ایسه (کنفسبرغ) و (دانجیق)
و (شتائن) و (برازلو) و (ماغده بورغ) و (هانور)
و (قوبلنچ) و (اکسلا شاپل ۶) و (فرانقفورت)
و (استرازبورغ ۷) و (مچ ۸) شهرلیدر .

(*) (برلن) کبی اوقنور (۶) فرانسز قراللی تاجی بوراده کیرلر
(۷ و ۸) بوایکی مملکتی محاربه اخیرده فرانسزلردن آلمشدر .

(باویرا)

آلمانیا هیئتندن (باویرا) مملکتی پروسیانک جنوب طرفنده واقع اولوب آیروجه اداره اولتمقدهدر . پایتختی (مونخ) شهری ومشهور بلدهلری ایسه (نورانبیرغ) و (اوغسبورغ) شهرلیدر .

(ساقسونیا) (*)

آلمانیا هیئتندن (ساقسونیا) مملکتی پروسیانک جنوب طرفنده اولوب ادارهسی باشلو باشندهدر . پایتختی (درسد) شهریدر ومشهو بلدهسی دخی (لایپزیک) شهریدر .

(وورتمبرغ)

آلمانیا هیئتندن (وورتمبرغ) مملکتی دخی آیروجه اداره اولتمقدهدر . پایتختی (استودغار) شهریدر . آلمانیا هیئتندن بورایه قدر احواللری بیان اولنان (پروسیا) و (باویرا) و (ساقسونیا) و (وورتمبرغ) مملکتلرینک حکمدارلرینه (قرال) دینلور و بیوککلکری ایسه اسملری یازلدیغی صره اوزرهدر .

(*) سینلر صاد کبی قالین اوقنور .

(باد بیوک دوقه لنی)

آلمانیا هیئتندن (باد بیوک دوقه) لغنک مقری یعنی دوقه دینلان حکمدارک قرار کاهی (قارلسروهه) شهریدر.

(هس بیوک دوقه لنی)

آلمانیا هیئتندن (هس بیوک دوقه) لغنک مقری (دارمستاد) شهریدر . و (مایانس) شهری ایسه مشهور بلده سیدر اشبو بیوک دوقه لقلر دخی بیوک لکلرینه کوره یازلمشدر بوندن بشقه (ساقس) و (مکلمبورغ) و (اولدانبورغ) و (برونسویک) دوقه لقلری و هامبورغ و (برم) و (لوبک) سربست شهرلری کبی . دها بعض مملکتلر آلمانیا هیئته داخلدرلر .

(آوستریا)

(و مجارستان)

آوستریا مملکتی اوروپانک وسطنده بولنان مملکتلردن بری اولوب اورته سندن (طونه) نهری آق دینی کبی حدودی دخی (وندیک) دگری و (آلپ) و (قارپاٹ) طاغلریله کسلمشدر . (مجارستان) ایله (بوهمیا) و (موراویا) و (سیلزیا) دوقه لقلری امتیازلو و (اسلاوونیا) و (غالیچیا)

و (قرواتیا) و (دالماسیہ) ایالتلری اہمیتلو قسملریدر حکمدارینہ (آوستریا ایمپراطوری) و (مجارستان قرالی) دینور. ایمپراطورلق پایتختی آوستریا (آرشیدوقہ) لغنک مقری اولان (ویانہ) وقراللق پایتختی دخی (پشتہ) شہریدر و مشہور بلدهلری ایسہ (پراغ) و (قراقوی) و (ولبرغ) و (غراج) و (لایباخ) و (تریستہ) شہرلریلہ و (طمشوار) و (آغرام) و (زارا) شہرلیدر .

(روسیہ)

روسیہ مملکتی اوروپا قطعہ سنک وسطندہ بولنان مملکتلردن بری واك شرقہ دوشنیدر حدودی (بحر منجمد) شمالی و (بحر بالطیق) و (بحر سیاه) دینلان دکرلر و (اورال) نہر و طاغلریلہ چورلمشدر ایمپراطورلق پایتختی شمالدہ (پترسبورغ) شہریدر وایکنجی درجہدہ وسطدہ (موسقوا) شہریدر اوروپا قطعہ سندہ موجود الکالرك الك بیوکی اولندینی کبی شمالندہ (فنلانڈیا) دوقہ لغیلہ غربندہ (لہستان) اراضیسی مهم قسملریدر مشہور بلدهلری (آرقانجل) و (ہلسنکفور) و (ریغا) و (قزان) و (نوغرود) و (ازدرہان) و (وارسووی) و (خرقوو) و (کیو)

و (هوجہ بك) نام آخرله (اوده سا) و (سواستپول) شهرلریدر (زانبل جدید) آطه سی دخی روسیه مملکته مضافدر .

﴿رومانیا﴾

رومانیا مملکتی روسیه ممالکنک غرب جنوبی و آوستریا ممالکنک شرق جنوبیسنده واقع وافلاق و بغداد اراضیلرینی حاوی برقرالیت اولوب مرکز اداره سی (بکرش) شهری و سائر مشهور بلده لری ایسه (یاش) و (قلاص) شهرلریدر .

اوروپا قطعهنده جزیره وشبه جزیره لر اوزرنده بولنان اون مملکتدن اوچی شمالده (انکلتره) و (دانیمارقه) و (اسوچ) ناملریله یاد اولمقدهدر .

﴿انکلتره﴾

(انکلتره) مملکتی خزیره اوزرنده واقع اولمشدر مملکتی وجوده کتورن آطه لر (بیوک بریتانیا) و (ایرلندا) ناملرنده اولان بیوک آطه لرله سائر کوچک آطه لر دن عبارتدر حدودی بسبتون دکرله چورلمشدر .
بریتانیا آطه سی (اصل انکلتره) و (اسقوچیا)

و (غال) مملکتی اسمایله اهمیتلو اوج مملکته آیرلمشدر .
 عموم انکلتزه نك پایتختی اصل انکلتزه قسمی اوزرنده واقع
 و دنیاده موجود شهرلرک اک جسیمی اولان (لوندزه)
 شهریدر سائر مشهور شهرلری (مانشستر) و (لیورپول)
 و (برمنگام) و (نیوقاستل) و (بريستول) و (پورتسموت)
 و (پلیموت) شهریه (ادمبورغ) و (غلاسقوو) و (دوبلن)
 و (بلفاست) و (لمریک) شهرلریدر فرانسه ساحل شمالیسنه
 یقین اولان (ژرسی) آطهسی دخی بریتانیایه منسوبدر .

(دانیمارقه)

دانیمارقه مملکتی (سئالاند) و (فیونی) آطه لریله
 (ژوتلاند) دخی دنیلان (سمبریک) یاریم آطهسی اوزرنده
 واقع اولوب بونکده حدودی همان بسبتون دینه جک
 وجهله دکرله چورلمشدر .

پایتختی (سئالاند) آطهسی اوزرنده کائن (قوپنهاغ)
 شهریدر . (اودانسه) و (آروس) شهرلری ایسه بلاد
 مشهوره سندندر و (ایرلانده) آطهسی دخی ینار طاغلریله
 مشهور بر قسم ارضیسیدر و (فروئه) آطه لری دخی
 دانیمارقیه منسوبدرلر .

(اسوچ)

اسوچ مملکتی (اسقاندیناو) دنیلان شبہ جزیرہ اوزرندہ و (نوروچ) دنیلان پاپاس مملکتیہ برلکدہ واقع اولوب ایکسینہ بردن (اسقاندیناو) دینلمکدہ در . اشبو ایکی قسم مملکتی (اسقاندیناو) طاغری آیرمش و حدودی کاملاً دنیله جک قدر دکرله چورلمشدر بحر بالطق ساحلندہ اولان اسوچ قسمنک وعموم (اسقاندیناو) شبہ جزیرہ سنک پایتختی (استقولم) شهری ونوروچ دنیلان قسمنک پایتختی دخی (خرستیانیا) شهریدر . واوروپادہ اک شمالدہ واقع اولان مملکت اشبو نوروچک منتهای شمالندہ (هامرفسب) قصبہ سیدر (اسپیچبرغ) و (غوتلاند) آطہ لریله (لوفودان) مجموع آطہ لری دخی اسوچ اراضیسند . ندرلر .

جزیرہ و شبہ جزیرہ لر اوزرندہ بولنان مملکتلردن یدیی دخی جنوبدہ اولمغله آنلردہ (اسپانیا) و (پور تکیز = پورتوغال) و (ایتالیا) و (عثمانلو) و (صرب) و (قره طاغ) و (یونان) اسملریله سویلنمکدہ درلر .

(اسپانیا)

(اسپانیا مملکتی) اسپانیا شبہ جزیرہ سی اوزرندہ

واقع اولوب حدودی (بحر محیط) غربی و (بحر سفید) ویا لکز شمال طرفده (پیره نه) طاغریله چورلمشدر پایتختی جزیره نك اورتہ سندہ (مادرید) (*) نام شهر در سائر مشهور بلده لری ایسه (بارسلون) و (ساراغوس) و (والانس) و (غرناطه) و (سویل) و (مالاگا) و (سالامانکا) و (سانتیاگو) شهرلیدر (باله آر) آطه لری دخی اسپانیا مملکتی منسوب اتنددر اسپانیا شبه جزیره . سنك جنوب نهایتده بر کوچك شبه جزیره اوزرنده انكلتره مملکتلرندن معدود (وجبل الطارق) دن مأخوذ (ژبر التار) نام مستحکم شهر و شمال شرقی حدودی اوزرنده دخی (آندور) نام کوچك جمهوریت واقعدر .

﴿پورتکیز پورتوغال﴾

(پورتکیز مملکتی) دخی اسپانیا شبه جزیره سنك غرب جنوبی طرفده واقع اولوب حدودی بحر محیط غربی ایله چورلمش . پایتختی ساحلده (لیزبون) شهریدر . (اوپورتو) نام دیگر (پورتوغال) شهری دخی مشهور بلده سیدر .

(*) عربجه مجریددن محرفدر اوروپاده سطح بمردن اك یوكسك اولان پایتخت بودر .

(ایتالیا)

(ایتالیا مملکتی) ایتالیا شبه جزیره سیله (ساردنیا) و (سیچیلیا) آطه لرندن عبارت اولوب حدودی بحر سفیددن (وندیک) و (یونان) و (تیره نین) دکرلری و شمال طرفندن (آلب) طاغریله چورلمشدر. پایتختی پاپالوق مقری اولان (روما) نام مشهور شهردر. سائر بلاد معروفه سی ایسه شبه جزیره اوزرنده (وندیک) و (تورن) و (میلان) و (جنوه) و (فلورانس) شهرلریله (آنقونا) و (لیوورنا) و (برندیری) و (ناپوی) شهرلری و سیچیلیا آطه سی اوزرنده دخی (پالرم) (*) شهریله (مسینا) و (قاتان) شهرلری و (ساردنیا) آطه سی اوزرنده ایسه (قاغلیاری) شهریدر. (آلب) نام جزیره دخی ایتالیا مملکته مضافدر ایتالیا شبه جزیره سنک شمال شرقی طرفنده (سن مارین) (**) اسمنده برکوچک جمهوریت اولدینی کبی سیچیلیا آطه سنک جنوب طرفه یقین انکلتیره نک مشهور (مالطا) آطه لری اوزرنده (لاوالت) شهر مستحکمی موجوددر.

(*) ایتالیا نلر پالرمو تلفظ ایدرلر .

(**) ایتالیا نلر مارینو دیه سویلرلر .

(عثمانلو یعنی دولت علیه)

(عثمانلو) یعنی دولت علیه نك اوروپاده اولان مملكتی
روم ایلی شبه جزیره سی اوزرنده واقع اولوب حدودی
(وندیک) و (یونان) و (آطه لر) و (مرمره) دکرلری
و (قره دکر) و (طونه) نهرلریله تحدید اولنمشدر .

بر قسمی طوغریدن طوغری یه و بر قسمی دخی
امتیازلو یعنی مختاریت و امارت صورتیله اداره اولنمقدهدر .
پایتختی (دار الخلافه) صاییلان (استانبول) شهر
مشهور و معموریدر سائر بلاد مشهوره سی ایسه (ادرنه)
(کلیولی) و (سلانیک) و (سیروز) شهرلریله ارنای و دلقده
(پرشته) و (اشقودره) و (مناستر) و (یانیه) شهرلریدر .
آوستریا اشغال عسکریسی آلتیده بولنان (بوسنه) و (هرسک)
قطعه سنک معروف بلده لری دخی (سری) و (موستار)
شهرلریدر .

امتیازلو اوله رق اداره اولنان قسملرندن بری مختاریتی
حائر اولان (روم ایلی شرقی) ولایتی اولوب مرکز اداره
سی (فلبه) شهری و معروف بلده سی (اسلمیه) قصبه سیدر .
دیگری (بلغارستان) امارتی اولوب مرکز اداره سی

(صوفیه) شهری و معروف بلده لری ایسه و (دین)
و (طرنوی) و (روسحق) و (وارنه) شهرلریدر .
کرید آطه سی دخی روم ایلی ملحقاتندن معدود
ونیم ممتاز اولوب آنکده والی مقری (حانیه) شهری
و مشهور بلده لری (قندیه) و (رسمو = تمو) قصبالریدر .

(صرب)

صرب مملکتی روم ایلی شبه جزیره سنک منتهای
شمال وسطیسنده واقع برقرالیت اولوب مرکز اداره سی
(بلغراد) شهری و معروف بلده سی ایسه قره (غوجواج)
قصبه سیدر .

(قره طاغ)

قره طاغ مملکتی روم ایلینک منتهای غرب وسطیسنده
بر كوچك قرالیت اولوب مرکز اداره سی (چتینه)
قصبه سیدر .

(یونان)

یونان مملکتی موره کچوک شبه جزیره سی ایله سائر
برچوق آطه لردن عبارت اولوب حدودی همان کاملاً
دکز ایله کسلمش کیدر پایتختی (آتنه) شهریدر یونان

دگزنده (قورفو) و آطه‌لر دگزنده (اغریوز) و (شیره
آطه‌لری یونان آطه‌لرینک اک مشهور واهمیتلولریدر .
(اوروپا قطعه‌سنک حاوی اولدینی)

(مملکتلرک نفوسی)

اوروپا قطعه‌سی برچوق ملت‌لردن عبارت اوله‌رق
اوجیوز ملیون نفوسی حاویدر و بمقدار نفوسدن
(۸۲) ملیون روسیه‌ده و (۴۱) ملیون آلمانیا‌ده و (۳۶)
ملیون فرانسه‌ده و (۳۶) ملیون آوستریا و مجارستان‌ده
(۳۳) ملیون انکلتزنک بریتانیا آطه‌لرنده و (۲۷)
ملیون ایتالیا‌ده در اوروپا دولتلرندن اک زیاده تبعه یعنی
اهالیسی چوق اولان انکلتزه دولتیدر چونکه سائر
قطعه‌لرده اولان تبعه‌سی دخی بو حساب‌ده قاتلدینی حالد
مقدار نفوسی (۲۰۰) ملیون حساب اولمقده در وینه
اوروپا‌ده اک غلبه‌لک یعنی اهالیسی چوق اولان شهر دخی
(لوندزه) شهری اولوب درت ملیون قدر نفوسی حاوی
اولمقده در و سائر بیوک و غلبه‌لک اولان شهرلر ایسه
غلبه‌لکلرینه کوره اسملری صره ایله یازیلان (پارس)
(و استانبول) و (برلین) و (ویانه) و (پترسبورگ)
شهرلریدر .

(اوروپا قطعہ سی اہالیسنک جنسہری ایلہ دینلری)
 اوروپا اہالیسی کاملا (قوقاس) یعنی بیاض نسلندن
 اولوب (قتولیک) و (پوتستان) و (اورتودوقس) دنیلان
 مذہبرہ تابع اولمق اوزرہ همان جملہ سی خرسٹیاندہ فقط
 جنوب شرقی اہالیسنک بر قسمی اہل ایماندہ .

(آسیا قطعہ سی)

(آسیا قطعہ سنک موقعی وحدودی)

آسیا قطعہ سی کرڈارض اوزرندہ موجود قطعہ لارک بیو۔
 کلکجہ ایکنجیسی فقط معموریتجہ اک اسکیسیدر بر قسمی
 (خط استوا) آلتدہ و بر قسمی دخی (قطب شمالی) یہ
 یقین اولدینی جہتلہ شمال قسمی صفوق و جنوب قسمی
 صیجا قدر غربدہ اوروپا قطعہ سندن (اورال) طاعی
 ونہری و (بحر حرز) دنیلان دکر و (قوقاس) دلیلہ
 و آفریقا قطعہ سندن دخی (سویس) قنالیلہ آیرلمشدر سائر
 جہتلردن ایسہ دکرلرلہ چورلمشدر .

(آسیا قطعہ سنک ساحلریلہ دکر و کورفلری)

آسیا قطعہ سنک ساحلری دخی بر جوق درین
 کورفلر و شبہ جزیرہ لردن تشکل ایتشدہ شمالدہ (بحر

منجمد شمالی) نام بیوک دکر اولوب (قاره) دکر یله اوبی کورفرینی و شرقده دخی (بحر محیط کیر) و (اوقیانوس) دنیلان بیوک دکر واقع اولوب (بهرنک) و (اوقوجق) و (ژاپون = جاپونیا) و (قوره) و (چین) دکر لریله (انادیر) و (قامچاتقا) و یچیلی و (تونکین) و (سیام) کورفرینی حاصل ایلمشدر.

جنوبده (بحر محیط هندی) دنیلان بیوک دکر واقع اولوب (عمان) و (شاب = بحر احمر) دکر لریله (بنگاله) و (بصره) کورفرینی و غربده (بحر سفید) دکر ی دخی (اسکندرون) کورفرینی وجوده کتورمشدر. (بحر خرز) (*) دنیلان دکر ایسه غرب شمالیده بر بیوک کول هیئتده بولمقدهدر.

﴿بوغازلری﴾

(بهرنک) دکر یله (منجمد شمالی) بیننده (بهرنک) بوغازی و (ژاپون) دکر لریله (قوره) دکر ی بیننده (قوره) بوغازی اولدینی کبی (چین) دکر یله (بنگاله)

(*) صیغاغدن و فرته سنک شدتندن کنایه اوله رق (بحر حزر) دیشیکن صکره لری بحر حزر دیمکه باشلامشدر اطراف اهالیسی (قوزغون دکر ی) دیرلر.

کورفزی بیننده (بالاقه) و (عمران) دکزیله (بصره)
 کورفزی بیننده (هرمز) و (بحر محیط هندی ایله)
 (شاب) دکزی بیننده (باب المذهب) (*) بوغازلری
 بولنمقده و (شاب) دکزیله (بحر سفید) بیننه آچیلان
 (سویش قنالی) دخی بوغازدن صایلمقددر .

(شبه جزیره لری)

شرق جهتده (قامچاقه) و (قوره) اسمارنده ایکی
 کچوک شبه جزیره اولدینی کبی جنوبده (هند چینی)
 شبه جزیره سینه ملاصق (مالاقه) نامنده طولانی بر
 و (هندستان) شبه جزیره سینه متصل (کجرات) نامنده دخی
 دیگر برکه جمعاً ایکی ده کوچک شبه جزیره موجوددر .
 غرب جهتده ایسه (کچوک آسیا) دنیلان (اناطولی)
 نام بیوک شبه جزیره و غرب جنوبیده دخی (جزیره
 العرب) دنیلان (عربستان) بیوک شبه جزیره سی
 بولنمقده دو .

(برونلری)

بحر منجمد شمالی یه طوغری ایلرولش اولان

(*) عربجه اولوم دکر دیکدر اورادن سفانک مروری محاطره لی
 اولدیغدن بو اسم ویرلشددر .

(شمال بروی) ایله بهرنك بوغازينك بری يقاسنی حصوله
کتورمش اولان (شرق بروی) جنوبده واقع (قومرین)
نام برون هندوستان شبه جزیره سنك و (رومانیا) بروی
دخی ملاقه شبه جزیره سنك نهایتلرنده اولدقلری کبی
(رأس الخد) بروی عربستان شبه جزیره سنك جنوب
شرقیسنده و (بابا) بروی ایسه اناتولی شبه جزیره سنك
غرب نهایتنده کائندرلر .

(جسامتی)

آسیا قطعه سنك شمال شرقیده واقع (شرق) برونندن
جنوب غربیده (باب المندب) بوغازی ساحلنه قدر
اولان طولی ۱۰،۲۰۰ کیلومتر و (شمال) برونندن
(رومانیا) بروننه قدر اولان عرض دخی (۸،۰۰۰)
کیلومتر و در . مساحت سطحیه سی دخی (۴۲،۱۶۰،۰۰۰)
کیلومتر و مربعدر .

(آطه لری)

بجر منجمد شمالیده یکی سبریا آطه سی و بجر محیط
کیرده (قوریل) و (سقالین) و (ژاپونیا) مجتمع
آطه لریله (فورموز) و (خاینان) آطه لری واقع در بجر
محیط هندیده دخی (اندهمان) و (نیکوبار) و (لقدیو)

و (مالدیو) مجتمع آطه لریله (سیلان) نام دیگر (سرنیدیپ)
(*) آطه سی و بحر سفیده ایسه (رادوس) و (قبریس)
آطه لری موجوددر.

(صره طاغلری)

آسیا قطعه سنك جنوباً وسطه یقین و هندوستان شبه
جزیره سنك شمال طرفده (همالایا) صره طاغلری واقع
اولوب (چامولاری) و (دوالاژی) و (نیلان تپه لری
بتون کره ارضك اك یوكسك نقطه لیدر و شمالاً وسطه
یقین اوله رق (آلتای) و (تیان شان) و (بللور)
و (هند کوه) طاغلری وسطده اوله رق دخی (قوانغ
لونغ) طاغلری کائندر. بونلردن بشقه انا طولی شبه
جزیره سی اوزرنده (طوروس) و جزیره نك شرق
جهتدن باشلیه رق (بحر حرز) ساحل جنوبی سندن
شرقه کیدن (البرز = البروج) و بصره کورفری شرق
شمالی ساحله طوغری جنوبه کیدن (الوند) طاغلریله
عربستان شبه جزیره سنك بحر سفید ساحلی اوزرنده

(*) سرنیدیپه (آدم تپه سی) نامنده برتبه اولوب آدم علیه السلام
مهبطی اولدیغی و نقش قدملری بولندیغی مفصل جغرافیا کتابلرنده
محرردر.

(لبنان) (*) وداخلنده (الارض) طاغلری و هندوستان
شبه جزیره سی اوزرنده شرقی و غربی (غاس) و بحر حزر
ایله بحر سیاه بیننده (کوه قاف) دنیلان (قوقاس) طاغلری
بولتمقده در .

(ینار طاغلری)

آسیا قطعه سنده بولان مشهور ینار طاغلردن بری
(البرز) سلسله سی اوزرنده (دماوند) طاغیدر و بری
(تیان شان) سلسله سی اوزرنده (پشان) طاغیدر
بولردن بشقه سبریانك شرق جهتده واقع (قامچاتقه)
شبه جزیره سیله (قوریل) مجموع جزیره لری اوزرلرنده
بر چوق ینار طاغلر اولدینی کبی (طوروس) سلسله سی
اوزرنده واقع (آارات) و نام دیگرله (آغری طاغ =
جودی) دنیلان طاغده و اناطولیده (ارجکز) طاغده
دخی ینار طاغ علامتی کورلمکده در ژاپونیا آطه لرنده ایسه
(فوزی یاما) و (آسامایاما) اسملرنده ایکی ینار طاغ
موجود در .

(آسیانك سطح مائللری)

آسیا قطعه سی درت سطح مائلدن عبارت اولوب بری

(*) (لبنان) لامك ضمیمه در صعب یرلری درزی و مارونیره مأودر .

میلی شماله طوغری اولان سطح مائلدرکه صولرینی (بحر منجمد شمالی) یه آقیدر وبری شرقه طوغری اولان سطح مائلدرکه صولرینی (بحر محیط کیره) آقیدر وبری دخی میلی جنوبه طوغری اولان سطح مائلدرکه صولرینی (بحر محیط هندی) یه آقیدر وبری دیگر ایسه میلی غربه طوغری اولان سطح مائل اولوب صولرینی کوچک دکرلره آتقمقدهدر .

﴿ نهرلری ﴾

شمال سطح مائلنده (اوبی) و (ینیزه‌یی) و (لنا) اسملرنده بیوک نهرلر اولوب بحر منجمد شمالی یه اقمدهدرلر وشرق سطح مائلنده (آمور) و (هوانکهو) و (کیانغ) و (مه‌قونغ) و (مه‌نام) اسملرنده بیوک نهرلر اولوب بونلردن (کیانغ) نه‌ری آسیا نهرلرینک هپسینک بیوکی اولدیغی حالده بحر محیط کیردن حصوله کلان دکرلره آقمقدهدرلر و جنوب سطح مائلنده دخی (ایراوادی) و (براهمایوتر) و (غانج) و (سند) (*)

(*) (سند) هند وزندهدر (سندیه) ایالتی الان انکلیرلرک تصرفلرنده اولان هند ولایتلردن برواسی در . سنده نه‌ری بوایالتدن آقدیغیچون ایالتک اسمیله توسیم قلمشدر .

نام دیکرله (اندوس) و (شط العرب) اسمارنده بیوک نهرلر اولوب اولکی دردی بحر محیط هندیه و (فرات) ایله (دجله) نهرلرینک اجتماعندن حاصل اولان (شط العرب) نهری بصره کورفزینه آققده درلر .

وغرب سطح مائنده ایسه (اورال) و (سیحون = سیردریا) و (جیحون = امدریا = اوقسوس) نام نهرلر اولوب (اورال) نهری بحر حزره و دیگر ایکسی (آرال) اسمنده بریوک کوله آققده درلر .

(کولاری)

آسیا قطعه سنک شمال سطح مائنده بیوکلکندن اوتوری بعضاً دکر دخی دینلمکده اولان (آرال کولی ایله بالقاش) و (بایقال) کوللری واقع اولوب یالکز (بایقال) کولی (ینیزه یی) نهرینه آققده در ووسطده (تکری نور) و (خوخونور) کوللری وشرق سطح مائنده دخی براییق ایله (کیانغ) نهرینه آققده اولان (تونغ تینغ) (کویانغ) کوللری بولنمقده در . غرب سطح مائنده ایسه (بحر میت) دینلان (لوط) کولیه (وان) و (رومیه) و (هامون) اسمارنده کوللر واقع اولوب هیچ بریره آقامقده درلر .

(آسیا قطعه سنك مملكتلره تقسیمى)

آسیا قطعه سی باشلوجه اون اوج بیوک مملکته تقسیم اولمشدر بونلردن ایکیسی روسیه دولتک شمالده واقع (سبریا) اراضیسیله غریبده کائن (قوقاس) اراضی مشهوره. سیدر (سبریا) اورال طاغلری و حرز دکرندن باشلیه رق بهرنک بوغازی و ژاپونیا دکرینه قدر اوزونلامسنه واقع اولمشدر و (قوقاس) اراضیسی ایسه (بحر حرز) و (بحر سیاه) ایله (قوقاس) طاغلری آره سنده بولمقده در سبریانک برقمسی توران زمیندن روسیه ترکستانی دینلان محل اولدینی حالده مشهور شهرلری (طوبولسق) و (ایر قوسچق) شهرلریله (طاشکند) و (سمرقند) و (حوقند) شهرلریدر (سبریا) همان اوروپا قطعه سی قدر ککیش ایسه ده هواسی صغوق و اهالیسی آذرر. (یکی سبریا) و (قوریل) مجموع آطه لریله (سقالین) آطه سی سبریا اراضیسی منسوب اتندندرلر .

(قوقاس) اراضیسی ایسه (کورجستان) و (چرکزستان) و (طاغستان) و (ارمنستان) دینلان مملکتلرک برر قسمندن عبارت اوله رق مشهور شهرلری (کوتایس) و (تفلیس) و (روان) و (شماخی) شهرلریدر.

و بری غربیده دولت علیہ نک (اناطولی) شبه جزیرہ سی اوزرنده (عراق) ایله (کردستان) و (ارمنستان) ک برر قسملرندن و سوریه اراضیسندن عبارت اولان مملکتی اولوب مشهور شهرلری (ازمیر) و (بروسه) و (قسطنیونی) و (انقره) و (قونیہ) و (آٹنه) و (سیواس) و (طربزون) و (ارضروم) و (دیار بکر) و (وان) و (موصل) و (حلب) و (شام) و (قدس) و (بغداد) و (بصره) شهرلیدر .

و امتیازی اولان (سیسام) آطه سیله (مدلو) و (ساقز) و (رادوس) آطه لری و انکلیز اشغال عسکری سی آلتده بولنان (قبریس) آطه سی دخی اناطولی یه مربوط اراضیدن معدوددرلر .

و بری غرب جنوبیده ینه دولت علیہ نک (جزیره العرب) شبه جزیرہ سی اوزرنده (حجاز) و (یمین) و (نجد) اراضیسندن عبارت اولان مملکتی اولوب مشهور شهرلری (مکة مکرمه = ام القری) و (مدینه منوره = یثرب) و (جدہ) و (ینبوع) (*) شهرلریله (حدیده)

(*) مشهور اولان بویله سویلنمکده ایسدهده فصیحی ینصر وزننده (ینبع) اولوب مدینه منوره اسکله سیدر .

و (صنعا) شهرلری ونجدك (احسا) قسمنده (هقوف)
قصبه سیدر .

جزیره العربك جنوب غربی نهایتده بولنان (عدن)
شهریله (باب المندب) بوغازینه حکم ایدن (پریم) اطهسی
وشاب دکرنده (قران) مجموع اطهلری ایسه (مسکت)
حکومتی و بعض شیخلرک ادارهلری التنده بولنان
مملکتلر واقعدر .

آسیانك وسطنده (افغانستان) و (بخارا) و (خیوه)
ناملرنده مملکتلر واقع اولوب بولنردن افغانستانك
(هرات) قسمی ممتاز اولدینی حالده امیرك مقری (کابل)
شهری و مشهور بلدهلری ایسه (هرات) شهریله (جلال
آباد) و (قندهار) و (بلخ) شهرلریدر و (کاشغر) یعنی
چین تاتارستانك امارت مقری (کاشغر) شهری و مشهور
بلدهلری ایسه (یارقند) و (ختن) (*) و (آقسو) شهر-
لریدر شمديکي حالده امارت مزبورده یی چینلورل استیلا
ایتمشلردر .

(بخارا) یعنی اصل ترکستان مملکتك امارت مقری

(*) (ختن) : خاء معمه نك ضمیمه زفر و زننده در

(بخارا) شهری و مشهور بلده لری (سبز) و (حصار) شهرلریدر .

ترکستان ایله مناسبتی اولان (خیوه) امارتنک مشهور شهرلری (خیوه) و (هزاراسب) شهرلریدر (مرو) امارتی ایسه ترکستانک جنوب شرقیسنده برکوکچ امارت اولوب مشهور شهری ینه (مرو) شهرلیدر .

جنوب غربیده (عجمستان) و (بلوچستان) دنیلان مملکتلر واقع اولوب بونلردن دخی عجمستان یعنی ایرانک شاهلق مقری (طهران) شهری و مشهور بلده لری ایسه (تبریز) و (رشت) و (اصفهان) و (مشهد) و (همدان) و (شیراز) و (کرمان) شهرلریدر .

(هرمز) بوغازی اوزرنده بولنان برطارجه یر ایله (کیشم) آطه سی مسکت اماملغی مستملکاتندندر .

بلوچستانک امارت مقری (کلات) شهری و مشهور بلده لری ایسه (بلا) و (قونداوا) شهرلریدر .

آسیانک شرق طرفده (چین) و (ژاپون) مملکتلری واقع اولوب بونلردن چینک درتیوز ملیوندن زیاده نفوسی تخمین اولمقده در . امیراطورلق مقری آسیا قطعه سنده بولنان شهرلرک ال بیوک و غلبه لقلیسی اولان (پکین) شهرلیدر و (نانکین)

و (شانغاي) و (قانتون) شهرلى اصل چين شهرلىنىڭ
اك مشهورلرندىر .

(مانچورى) و (قورە) و (موغولستان) و (تبت) (*)
ولايتلىرى ايسە چىنك اھمىتلىق موقىلىرىدۇر و موغولستان
ايلە اصل چين يىنىدە (سەسكەندەر) دىيىلەن مشھور سەس
واقەدۇر . (فورموز) ايلە (ھائىنان) آتەسى (چىن)
ھۆكۈمەتە مەنسۇبدۇر .

و (قانتون) پىشكەندە بولغان (ھونىق قونىق) نام
كۈچك آتە ايسە انكلىتە مستعمىراتىدىن مەدۇددۇر .

(ژاپونىيە)

ژاپونىيە مەملىكىتى بىيوك و كۈچك بىر چوققۇن آتەلەردىن
عبارت اولوب مشھورلىرى (نېيۇن) و (كىوزىو) و (سېيۇق)
(يىزو) آتەلەردىر اصل ايمپىراتورلىق مەقرى يەنى پايتەخت
(نېيۇن) آتەسنىڭ جەنۇب سەھلى اوزرىدە (مياقو)
شەھرىدۇر ايمپىراتور و كىلنىڭ مەقرى ايسە يەنە (نېيۇن)
آتەسنىڭ شەرق سەھلى اوزرىدە (يىدو) شەھرىدۇر
سائىر مشھور بىلدەسى دىخى لېمانى اجىيىلەرە آچىق اولان
(نان غازاكى) نام شەھرىدۇر . آسيا قىتئەسىنىڭ جەنۇبىدە

(*) (تبت) ئافىك ضىمى و بانك تشىدىيەلە (سەس) و زىندەدۇر .

(هند چینی) و (هندوستان) اراضیلری واقع اولوب
بونلردن (هند چینی) و (هندوستان) باشلوجه (برمان)
و (سیام) و (عنام) و (قامبوج) نام مملکتلری حاویدر.

(برمان) مملکتک ایمپراطورلق مقری (مانداله)
شهریدر و (آوا) و (اومراپورا) شهرلری ایسه معروف
بلده لیدر (سیام) مملکتک حکمدارلق مقری (بانقووق)
شهریدر و (اؤژودیا) مشهور بلده سیدر.

(عنام) مملکتک ایمپراطورلق مقری یوقاری
(قورنشین) دنیلان شرق ساحلی اوزرنده (هونه)
شهریدر.

فرانسزلرک حمایه لرنده اولان (قامبوج) نام مملکتک
مرکز اداره سی (پنوم پینع) شهریدر.

بونلردن بشقه فرانسزلرک تصر فلرنده اولان اشاغی
(قوشنشین) نام مملکت ایله (مالاقه) شبه جزیره سی
اوزرنده انکلیزلره ویرلولره متعلق مملکتلر موجوددر
اشاغی (قوشنشینک) کرسیسی (سایغون) شهری اولدینی
کی انکلیزلره متعلق مملکتلرک مشهور شهرلری دخی
(مالاقه) شبه جزیره سی اوزرنده واقع (مالاقه)
(وینانع) و (سنگاپور) آطه لری اوزرنده ینه بوناملرله

معروف شهرلردر يرلولره متعلق اولان مملكتلرك بلدهلری
ایسه مشهور دكللردر .

(هندوستان)

هندستان اراضیسی شمالاً (همالایا) طاغلری وجنوبا
(عمان) و (بحر محیط هندی) نام دكرلره تحدید
اولندیغی حالده بر بیوك قسمی طوغریدن طوغرییه
انكلزلرك تصرفلرنده بولنان مملكتلره انكلزلره تابع
ویاخود حمایه لرینه داخل اولان بكلكلردر بر قسمی دخی
فرانسزلره پورتكیزلرك تصرفلرنده بولنان مملكتلردن
عبارتدر انكلزلره متعلق مملكتلره تابع بكلكلرك مشهور
بلدهلری (قالكوتا) و (مرشد آباد) و (بنارس) و (الله
آباد) و (دهلی) و (مادراس) و بر كوچك آطه اوزرنده
بولنان (بومبای) و (سیلان) نام بیوك آطه اوزرنده
بولنان (قولومبو) نام بلدهلره (لاهور) و (سورات)
و (حیدرآباد) ناملرنده اولان شهرلردر .

شمالده واقع (كشمیر) و (نیپال) و (بوتان) نام
بكلكلره (مالدیو) آطهلری مستقلا اداره اولمقده درلر .
فرانسزلر هندوستانك (قروماندل) دنیلان شرق ساحلی
اوزرنده واقع (پونیشری) و (قاریقال) شهرلریله

(غانج) نهري اوزرنده (شاندر ناغور) شهريني و (مالابار) دنيان غرب ساحلنده (ماهه) شهريني تصرف ايتمكده. درلر . پورتكيزلر دخي (مالابار) ساحلي اوزرنده (غوا) و (دامان) شهرلريه (جزيرة الله) دنيان بر كوچك آطه يي ضبط ايلمكده درلر .

(آسيا قطعه سنك مقدار نفوسى)

آسيا قطعه سنك نفوسى (۷۰۰) مليون قدر تخمين اولمقده اولوب نصفندن زياده سى چين امپراطورلغنه و بر چوغى دخي هندوستانه متعلقدر ژاپونيا دولتك نفوسى ايسه اوتوز مليوندن زياده در .

(آسيا قطعه سى اهاليسنك جنسلريه دينلري)

آسيا قطعه سنك شرق طرفى اهاليسى (مونغول) يعنى (اصفر) جنسى اولدينى كېي غرب طرفى اهاليسى دخي (قوقاس) يعنى (بياض) جنسنددرلر هنديليرك دنكلرى هر نقدر اسمر و بعضيلريده سياه ايسه ده تناسلرينه باقياينجه بياض جنسسه منسوب اولدقلى تسليم اولنور (مالاقه) شبه جزيره سى اهاليسى ايسه (مالز) جنسسه منسوبدرلر آسيا قطعه سنك غرب طرفى اهاليسنك اكثري

(مسلمان) واقلي خرستيان اولدقلى كېي شرق طرفى
اهاليسى دىخى (بودا) و (براها) دىنلان مشركلك
و مجوسىلك آينلرنده درلر .

(آفريقا قطعهسى)

(آفريقا قطعهسنىك موقع و حدودى)

آفريقا قطعهسى كره ارض اوزرنده بولنان قطعهلرك
بيوكلكجه اوچنچى درجهده اولانيدر . (خط استوا)
تختنده بولمغله هواسى غايت سىجاقدر . ذاتا سويش
دليله آسيابه اتصال پيدا ايتشيكن يعنى بر بيوك شبه
جزيره هيئتنده بولنيوركن قنالک آچيلمسيله آسيادن
آيرلمشدر اوروپا قطعهسندن دىخى بحر سفيد و (سبته) (*)
بوغازى آيرمشدر .

(آفريقا قطعهسنىك ساحللىريه دكر و كورفزلىرى)

آفريقا قطعهسنىك ساحللىرى سائر قطعهلرقدرد كيرىنتىلى
و چيقندىلى دكلدر . اويله بللى باشلو شبه جزيره لرى يوقسهده
درين كورفزلىرى حاوى اولمقدهدر . شمال طرفندن
(سدره) و (قابس) كورفزلىرى حصوله كتورن .

(*) اوروپا لىلر (سوته) ديمكده درلر .

(بحر سفید) و شرق طرفدن دخی (شاب دکری)
 دینلان (بحر قلزم) (***) و (عدن) کورفزیی احداث
 ایدن (بحر محیط هندی) نام دکزلرله و غرب طرفدن
 ایسه (به نن) و (ویلیامس) نام کوچک کورفزلی حاوی
 اولان (کینه) کورفزیی وجوده کتورن (بحر محیط
 آطلاسی) ایله احاطه اولمشدر .

(بوغازلی)

آفریقا قطعه سنک شمال غربی طرفده (ژبر التار)
 و نام دیگرله (سبته) بوغازی و شمال شرقی سمتده دخی
 سویس قالی دینلان (اسماعیلیه) بوغازی واقعدر .
 و شرق طرفده ایسه (باب المندب) بوغازی و (ماداغسقار)
 دینلان بر بیوک آطه نك حصوله کتوردیکی (موزامبیق)
 بوغازی کائندرلر .

(برونلی)

آفریقا قطعه سنک شمال طرفده (بیاض برون) و یقینده
 بر کوچک شبه جزیره تشکیل ایدن (کوزل برون)
 واقعدر . غرب جهتنده دخی (یشیل برون) واقعدر
 (***) قافک وزانک منی و لامک سکونیه در

جنوب جهتده ايسه (اميد) و (ايكنه) برونلری واقع اولدقلری کبی شرق جهتدهده (رأس عسیر) دینلان (غاردفوی) برونی واقع اولمقدهدر .

(جسامتی)

آفریقا قطعه سنك شمالده واقع (بیاض) برونندن جنوبده کائن (اميد) بروننه قدر اولان طولی (۸۰۰۰) کیلو مترو و شرقده واقع (غار دافوی) برونندن غربده کائن (یشیل) برونه قدر اولان عرضی دخی (۷۵۰۰) کیلو مترودر مساحت سطحیه سی ايسه (۲۹،۷۰۰،۰۰۰) کیلومترو مربعی اولمغله اوروپا قطعه سنك اوج مثلی قدر جسيم ديمك اولور .

(آطه لری)

بحر محیط اطلاسیده پورتکیزلرك تصرفلرنده اولان (آصور) و (مادر) و (قاب ور) دینلان (یشیل برون) مجموع آطه لریله اسپانیوللرك تصرفنده بولنان (قناریه) مجموع آطه سی وانکلیزلره متعلق اولان (اسسانسیون) (*) و (سنت هلن) آطه لری بولمقدهدر . و (کینه)

(*) عروج آطه سی ديمك درکه عیسی علیه السلامك عروجنه نسبت ایدلمشدر

کورفزنده پورتکیزلرک (فرنادوپو) واسپانیوللرک (سز
طومه) آطه‌لری واقعدر . بحر محیط هندیده ایسا
(ماداغسقار) نام بیوک آطه ایله فرانسزلرک (بوربون)
وانکلیزلرک (موریس) و (رودریغ) آطه‌لرندن عبارت
اولان ماسقارین آطه‌لری وینه فرانسزلرک (مایوت)
آطه‌سیله انکلیزلرک (سیشل) و (آلیراند) آطه‌لری
ویرلورله منسوب اولان (قومور) و (مونفیا) و (زنکبار)
و (سقوطرا) نام آطه‌لر موجوددرلر .

(طاغلیری)

آفریقا قطعه‌سی دنیانک اک واسع چوللرینی حاوی
اولغله سائر قطعه‌لره نظراً طاغلق محللری آز کیدر
بونکله برابر مشهور طاغلرندن شمال غربیده (درن)
دخی دینلان (اطلس) طاغلری و شرقده (نیل)
صولرینی حاصل ایتدیکی کبی خط استوا تخته دخی
تصادف ایلان (قر) طاغلری و شرق جنوبده (لوپاتا)
وغربده آفریقا طاغلرینک اک جسیمی اولان (قونخ)
طاغلری واقع اولوب هپسیده ساحلله یقین اوله‌رق
بویدنویه سلسله‌لشمشردر .

(ینار طاغری)

آفریقا قطعه‌سندۀ بولنان ینار طاغردن بری (قناریه)
 اطمه‌لرنده واقع (تتریف) نام یانار طاغدر وبری دخی
 (یشیل برون) اطمه‌لرنده کائن (تونفو) ینار طیاغدر
 ودیکریده (فرنادوپو) اطمه‌لرنده (قلارانس) دنیلان
 طاغدر بریسی ایسه (بوربون) اطمه‌سی اوزرنده (غرامون)
 ینار طاغیدر .

(آفریقا قطعه‌سنگ سطح مائلری)

آفریقا قطعه‌سی اوج سطح مائی حاوی اولوب، بری
 میلی شماله طوغری اولان سطح مائلدر که صولرینی (بحر
 سفیده) آقیدر . وبری دخی میلی غربه طوغری اولان
 سطح مائلدر که صولرینی (بحر محیط غربی‌یه) ودیکری
 ایسه میلی شرقه طوغری اولان سطح مائلدر که صولرینی
 (بحر محیط هندی) یه آتمقده در .

(آفریقا قطعه‌سنگ نهرلری)

آفریقا قطعه‌سندۀ بولنان نهرلرک الک‌بیوک و مشهوری
 (نیل مبارک) دنیلان نهر اولوب آفریقانک وسط شر-
 قیسندن بدأ ایله شماله طوغری آقوب کله‌رک بحر سفیده
 دوکیلور و (سنه غال) و (غامی) ناملرنده اولان ایکی

متوسط نهر لر دخی غربده واقع یشیل برون آطه سنک
بری یوقاریسندن و دیکری آشاغیسندن بحر محیط آطلاسی یه
قاریشور . و (قوارا) نام دیکرله (نیرژ) دنیلان بر
بیوک نهر ایسه (کینه) کورفزینه آققده در و (زایر)
نام دیکرله (قونگو) دنیلان نهرله (قوآنزا) و (اورانژ)
ناملرندن اولان نهر لر آفریقانک جنوب غربیسندن بحر
محیط غربی یه دوکلمکده در لر .

(زامبزی) اسمنده مشهور برنهرده (موزامبیق) قتالی
ساحلندن بحر محیط هندی یه دوکلمکده در.

(کوللری)

افریقا قطعه سی اوزرنده بولنان مشهور کوللردن
بری وسطنه یقین واقع اولان (چاد) (*) نام کولدرکه
کندوسنه براقچ نهر آققده در . دیکرلری ایسه شرق
جنوبیدن وسطه یقین اولان (ویقتوریا نیانزا)
(البرنیانزا) و (تافانیکا) نام کوللرله بونلرک آشاغیسنده
ساحله یقین اولان (نیاسسا) نام کول اولوب اولکیسی
(نیل مبارک) نهرینی حصوله کتورر وایکنجیسی ایسه

(*) آفریقا قطعه سندنه کی کوللرک الیوکی اولوب دکر ایله اتصالی

نیل مجراسی اوزرنده در فقط (نیاسسا) کولی (زامبز)
نهرینه جریان ایدر و (دمبعا) دینلان حبش کولی دخی
(نیلک) برقولنی وجوده کنورر .

(آفریقا قطعه سنک مملکتله تقسیم)

آفریقا قطعه سی اون سکز مملکتی حاوی اولوب بونلردن
(مصر = ام دنیا) (ونوبه) و (حبش) مملکتلی (بحر
احمر) دینلان (شاب دکزی) ساحلنده نیل نهرینک
کچدیکی یرلردر (مصر) ایله (نوبه) برلکده اوله رق دولت
علیه نک (مصر خدیوتی) نامیله ممتاز برولاتی تشکیل
ایدر لر مصرک مشهور شهرلری مقری خدویت
اولان (قاهره) شهریه (اسکندریه) شهریدر . سائر
اهمیتلو بلدلری ایسه (رشید) و (دمیاط) و (سویش)
و (باب السعید) نام شهرلردر . (نوبه) نک (*) و (نوبه) یه ملحق
(کوردفان) نام مملکتک مشهور شهرلری دخی (خرطوم)
و (سنار) بلده لریدر .

(حبش) مملکتی افریقانک شرق ساحلنده (باب المنذب)
بوغازینه قدر واقع اولان طاغلق اراضی اولوب مقر
قرالیتی (غوندار) نام شهردر .

(*) نونک ضمیمه مصرک جنوب طرفنده کاتدر .

(بربریه) دنیلان (طرابلس غرب) و (تونس) و (جزایر) و (فاس) نام مملکت‌های شمالی بحر سفید ساحل‌ده واقع در لر . بونلردن (طرابلس غرب) دولت علیه‌نک بر ولایتی اولوب کرسیء اداره‌سی (طرابلس) شهری و معروف بلده‌لری (بنغازی) و (مرزوق) شهرلریدر . (تونس) دخی دولت علیه‌نک امتیازلو بر ولایتی اولوب امارت مقری (تونس) شهری و مشهور بلده‌لری دخی (مهدیه) و (قیروان) نام بلده‌لردر .

فرانسولره متعلق اولان جزایر مملکتک کرسیء اداره‌سی (جزایر) شهری اولدینی کبی سائر معروف بلده‌لری دخی (قسطنطین) و (هران) شهرلریدر .

مغربدن غلط اوله‌رق (ماروق) دنیلان فاس مملکتک دارالسلطنه‌سی فاس نام شهر اولوب دیگر مشهور شهرلری ایسه (مکناسه) و (طانجه) و (موغادور) نام شهرلردر .

قط (سبته) شهرینی اسپانیالور ضبط ایتیلردر . آفریقا قطعه‌سینک قسم شمالیسنده شرقدن غربه طو- غری (صحرای کبیر) دنیلان بیوک چول واقع اولوب اوزرنده بر چوق قبیله‌لر ساکن اولمقده و بدویلکله عمر

اچکورمکدهدرلر قبیلهلرک اک مشهور ونفوسلیسی (توارک)
دنیلان قبیله اولوب (واح) تسمیه اولنان اغاجلق وصو.
لاقی رلرده مسکن طومتقدهدرلر . باشلوجه بر بلدهسی
(آغابی) نام شهردر .

و (سنه غال) نهریله (قوآرا) نهری آراسنده (سنه .
غامیا) و (شمالی کینه) نام مملکتلر واقع اولوب ساحلرینه
(فیل دیشی ساحلی) و (آلتون ساحلی) و (اسیرلر ساحلی)
آدینلمکدهدر .

(سنه غامیا) نك ساحلری انکلیز و فرانسزلره
پورتکیزلرک ضبطلرنده و داخلی ایسه (ماندانغو) و (فولاح)
اسملرنده ایکی کچوک حکومتک ادارهلرندهدر .

انکلیزلرک ساحل اراضیسنک کرسیء ادارهسی
(باتورس) و فرانسزلرک (سن لوی) و پورتکیزلرک
(قامئو) شهرلیدر . و کچوک حکومتلردن (ماندنغو) نك
مقر حکومتی (بانبوق) و (فولاح) ک مقر حکومتی دخی
(تیمو)^۱ شهرلیدر (کینه شمالی) ساحلری دخی انکلیز
فرانسز و فلمنکلورله (لیبریا) دنیلان و آمریقوالورک
آزادلورلی طرفدن تشکیل ایدیلان برکچوک جمهوریتک
نبتلرنده و داخلی ایسه (آشاتتی) و (داهومه) نام

حکومتلرک تصرفلرنده در مشهور بلده لری (لبریا)
جمهوریتنک مقری اولان (مونروویا) شهری ایله (آشانتی)
و (داهومه) حکومتلرینک (قرالیت) مقرلری اولان
(قوماسی) و (ابومی) شهرلریدر .

آفریقانک قسم جنوبی غرب ساحلنده و (کینه جنوبی)
دنیلان اراضیسنده دخی (قونغو) مملکتیله (آنگولا)
و (بنغولا) ودها آشاغیده (اووامپو) و (حوتانطو)
ناملرنده مملکتلر واقعدرلر .

(قونغو) مملکتک مقر حکومتی (سن سالوادور)
شهری اولوب آیروجه اداره اولنقمده و (آنگولا)
و (بنغولا) نام مملکتلر دخی پورتکیزلرک تحت تصرفلرنده
بولنقمده در (اووامپو) و (حوتانطو) نام مملکتلر ایسه
برطاقم وحشی قبیله لرک مسکنیدر .

آفریقانک جنوب نهایتنده انکلیزلرک (قاپ) نام
مملکتی واقع اولوب کرسیء اداره سیینه (قاپ تاون) (*)
شهریدر آفریقانک قسم جنوبیسنک شرق ساحلنده
دخی (قافرری) و (موزامبیق) و (زنکبار) و (سومال)

(*) قاب (برون) و (تاون) برسیاح اسمی اولوب ترکیب ایله
(تاوان برونی) دیک لولور .

اسملرنده مملکتلر واقعدر قافری (کافریه) دیمکن
غلطدر ساحلی قسمندن بری انکلیزلر طرفندن تأسیس
اولنمش اولان (ناتال) حکومتی اولوب مشهور بلدهسی
(پیرماری ترزبورغ) شهریدر. دیکری ایسه انکلیز
مهاجرلرینک اعمار ایتکده اولدقلری اراضیدر.
(موزامبیق) مملکتی پورتیکیز دولتک زیر ادارهسنده
اولوب مشهور شهرلری ساحلده (موزامبیق) و (سوفلا)
شهرلیدر.

(زنکبار) مملکتی عرب وزنجیلرهمتعلق برچوق کچوک
حکومت وقیلهلری حاوی اولوب اکثریسی بر سلطانتک
ادارهسنده و بعضیلری پورتیکیزلرک حمایه لرنده بولنمقدهدر
(دارالسلطنه) سی بر کچوک آله اوزرنده واقع
(زنکبار) شهریدر (کیلوتا) شهری ایسه مشهور
بلدهسیدر.

(سومال) مملکتی قوم عربهم منسوب برچوق قبیلهلرک
مسکنیدر انجق شمال سمتده و (باب المندب) کورفزی
اوزرنده بولنان (زیلع) و (بربره) شهرلری ایله (حرار)
حکومتی (خدیویت مصریه) ادارهسنده و (عبوق) نام
قصبه دخی فرانسزلرک تصرفنده بولنمقدهدر. (ماداغسقار)

نام جزیره دخی برجوق كوچك حكومتلى حاوى
اولغله مشهورى وسطنده كائن (هووا) حكومتى ومقرى
(تانااريو) شهردر .

بونكه برابر شمال طرفنده ساحلى بعض یرلری
فرانسزلر تصرف ایتکده درلر و (قومور) آطه لری دخی
عرب بکری طرفدن مستقلا اداره اولمقده درلر .

(آفریقانك وسطنده بولنان مملکتلر)

آفریقا قطعهنك وسطنده (قره لر ایچی) دینلان
اراضی واقع اولوب (سودان شمالی) و (سودان جنوبی)
اسماریله ایکی قسمه آیرلمشدر .

(سودان شمالی) نام آخرله (تکرویه) دینلان قسم
صحرای کیرك جنوب طرفنده و شرقدن غربه طوغری
بویدنویه واقع وبرجوق مملکتلى حاوى اولمشدر .

وباشلوجه لری (دارفور) و (ودای) و (باغیرمی)
و (بورنو) و (فللاطه) نام مملکتلر اولوب (دارفور)
خدیوبت مصریه اداره سنده وسائرلری ایسه مستقل
حكومتلر اداره لرنده در . و مشهور شهرلری (بورنو)
مملکتده واقع (كوغا) و (فللاطه) مملکتده كائن
(سقوطو) شهریه (تومبوقطو) شهردر

نیل نهرینک منبع‌لری اولان مشهور کوللرک حوالیء شمالیه سنده دخی بر چوق بیوجک قبیله‌لرک و خصوصاً انسان ییچیلکه شهرت بولان (نیام نیام) قبیله سنک مملکتلری اولوب وحشیلک‌لری حسیله مشهور شهر وقصبه وسائرہ تأسیس ایتمامش‌لردر .

(سودان جنوبی) دینلان قسم تماماً خط استوا آلتنده بولندیغندن احوالی لایقیله اوکرنیله مامشدر بونکله برابر کوللره یقین حوالیده ودها آشاغیده بر چوق بیوک و وحشی قبیله‌لرک و خصوصیه (مولووا) و داخلی (قافرری) حکومتلرینک مملکتلری اولوب قبیله‌لرک مشهوری (تانیقا) کولنک شرق طرفنده واقع (اونیاموثر) قبیله‌سی و حکومتلرک مشهوری دخی اسکی (مونوموتایا) امیراطورلیغیدر .

(آفریقا قطعه سنک مقداری نفوسی)

آفریقا قطعه سنک مقدار نفوسی (۱۰۰) ملیوندن زیاده تخمین اولنور ایسه ده منتظم دولتلر و اداره لر اولمادیغندن هر مملکتده نقدر نفوس اولدینی بیله مامکده در . و مقدار نفوسی اک زیاده اولان مملکت (مصر) خدیوتی و آندنصرکه (فاس) حکومتیدر .

(آفریقا قطعه سی اهایلینک جنس لریله دینلری)
 آفریقا قطعه سنک شمال و شمال شرقیسنده ساحل لر
 اوزرنده بولسان مملکتلر اهایلیسی آزجه و بعض یرلرده
 زیادهجه اسمر اولدینی حالده (قوقاس) جنسنه و (سودان
 شمالی و جنوبی) اهایلیسی (زنجی) جنسنه منسوب اولوب
 فقط (فللاطه) اهایلیسی بویکی جنس ییننده در اوروپا
 دولترینک تصرفلرینه کچن مملکتلرده مهاجر اوله رق
 (قوقاس) جنسی بولنمقده در .

شمال و شمال شرقیده بولسان مملکتلرله (صحرای کیر)
 و (سودان شمالی) و (سنه غامی) و (قاپ) و (زنکار)
 و (سومال) اهایلیسی (اسلام) انجق (حبش) اهایلیسی
 اکثریت اوزره (خرستیان) در . بونکله برابر اهایلیسی
 اسلام اولان ساحلی مملکتلرده اوروپالی اوله رق
 (خرستیان) بولنمقده در (سودان جنوبی) اهایلیسی ایسه
 (بت پرست و مشرک) درلر .

(آمریقا قطعه سی)

(آمریقا قطعه سنک موقع وحدودی)
 آمریقا قطعه سی صکره دن یعنی (*) (خرستوف

(*) بواسم خاء معجمه ایله یازیلوب قافی کی اوقونمقده در

قولومب) نام سیاح طرفدن کشف اولمغله (یکی دنیا) دخی دینلمکده بولمشدر ککره ارض اوزرنده بولنان قطعه لرك اك بیوکی اولوب از وقتده پک چوق معموریت کسب ایتمشدر . (بحر محیط غربی) و (بحر محیط کیر) دینلان ایکی بیوک دکر بیننده و شمالدن جنوبه طوغری اوزونلامسنه واقع اولمشدر . و (پاناما) دینلان بر دیل ایله (آمریکای شمالی) و (آمریکای جنوبی) ناملریله ایکی قسمه آیرامشدر . آمریکای شمالینک قطب شمالی یه یقین اولان قسمی بوزلرله مستور اولمغله هواسی صغوق فقط آشاغی یه طوغری معتدل و صیجاقدر .

آمریکای جنوبی ایسه (خط استوا) التنده بولندیغندن هواسی صیجاق فقط جنوبه یقین معتدل و صغوجقدر و هیچ بر قطعه ایله اتصالی اولمدیغی ککی قریتی دخی یوقدر .

﴿آمریکا قطعه سنک ساحل لریله دکر لری و کورفز لری﴾ آمریکای شمالینک سواحلی پک کیرنتیلی و چیقتیلی ایسه ده آمریکای جنوبینک سواحلی بر دوزی یه کیدر . شمال طرفندن (بحر منجمد شمالی) احاطه ایتمکله (بافن) و (هوتسون) دکر لری حصوله کلشدر . شرق

سرسن دخی (بحر محیط غربی) احاطه ایتش اولمغله
(سن لوران) و (مکسیقا) کورفزلیله (آنتیل) دکری
حاصلی اولمشلردر . و غرب طرفدن ایسه (بحر محیط
کیر) احاطه ایلمش اولمغین (قالیفورنیا) کورفزی
و (بهرنک) دکری وجوده کتورلشلردر .

﴿ بوغازلی ﴾

آمریقا قطعه سنده بولنان مشهور بوغازلردن شمالده
(بافن) دکریله (بحر منجمد شمالی) ییننده (لانقاستر)
وینه (بافن) دکریله (بحر محیط غربی) ییننده (داوی)
بوغازلی (وهوتسون) دکریله (بحر محیط غربی)
ییننده دخی (کومبرلاند) بوغازی واقع اولمقده د
ومتهای جنوبیده ایسه (ماژللان) نام بوغاز واقعدر

﴿ شبه جزیره لری ﴾

آمریقا قطعه سنک قسم شمالیسنده (لابرادور) نام
بیوک شبه جزیره ایله (نوول ااقوس) یعنی (یکی اسقوجیا)
و (فلورید) و (یوقاتان) ناملرنده کوچرک شبه
جزیره لر و (قالیفورنیا) و (آلاسکا) شبه جزیره لری
واقع اولمشلردر .

(آطه‌لری)

آمریقا قطعه‌سَنك قسم شمالیسنده واقع آطه‌لردن بری
 واک جسیمی (غروانلانند) آطه‌سی و دیکرلری (باقن)
 مجموع آطه‌لری اولوب (بجر منجمد شمالی) ایله (بجر
 محیط غربی) بیننده واقع اولمشلردر. (برموط) کوچک
 آطه‌لری ایسه بجر محیط غربیده امریقای شمالی ساحل
 شرقیسی یقیننده درلر. (لوقای) نام دیکرله (باهاما)
 و بیوک (آنتیل) و کوچک (آنتیل) آطه‌لری سلسله
 تشکیل ایتمش اولدقلری حالده آنتیل دکری و مکسیقا
 کورفزیله بجر محیط غربی بیننده بولنمقده درلر. (مالوین)
 نام دیکر (فالقانند) آطه‌لری و (ارض النار) معناسنه
 اولان (تردوفو) آطه‌لری امریقای جنوبیسنک منتهای
 جنوبیسنده کائندرلر. (غلاپاغو) آطه‌لری ایسه امریقای
 جنوبی ساحلنه یقین اوله‌رق بجر محیط کیرده و (خط
 استوا) التنده بولنمقده درلر و (آلوسین) آطه‌لری دخی
 (آلاسقا) شبه جزیره‌سَنك جنوب طرفندن تسلسل
 ایدهرک (بهرنک) دکریله بجر محیط کیر بیننده واقع
 اولمشلردر

(برونلری)

آمریقا قطعه سنده بولنان مشهور برونلردن بری
(غروانلاند) اطه سنك جنوب طرفده كائن (فاروال) (*)
نام بروندر وبری دخی (لابرادور) شبه جزیره سی
اوزرنده واقع (شارل) برونیدر و (فلورید)
شبه جزیره سی اوزرنده (سابل) (**) و (یوقاتان) شبه
جزیره سی اوزرنده دخی (قاتوش) برونلری اولدییی
کبی آمریکای جنوینك منتهای جنوییسنده (حورن)
برونی واقعدر .

و (آلسقا) شبه جزیره سنده ایسه بهرنك بوغازینك
شرق ساحلی حصوله كتورن غرب برونلری بولنمقده در .

(آمریقا قطعه سنك جسامتی)

آمریقا قطعه سی شمالدن جنوبه قدر (۱۵,۵۰۰) کیلو-
مترو طولنده در .

فقط عرضی هربر محلنده مختلف اوله رق اك طار
یرنده مثلا (پاناما) دیلنده (۴۵) کیلومترودر و كرك
(شمال) و كرك (جنوبی) قسملرنده اك ككیش یرنده ایسه
(*) واوی مفتوح و قالین اوقنور: (**) قوم برونلر دیمكدر .

(۵,۳۰۰) کیلومتر و در. مساحت سطحیہ سی (۴۲,۵۰۰,۰۰۰) کیلومتر و مربعی اولغلہ قطعات خمسہ نک اک بیوکی اولدینی اکلاشیلور .

(طاغری)

آمریقای شمالینک (شرق) ساحلی اوزرنده (آله غانی = آپالش) طاغری و غرب ساحلی بوینجہ دخی (روش) طاغلریلہ آلتون معدنی اوجاقلرینی حاوی (سیرانوادا) طاغری تسلسل ایتمشدر و (آمریقای وسطی) دنیلان طار قسمی اوزرنده دخی (آمریقای وسطی سلسلہ سی) طاغری و آمریقای جنوینک غرب ساحلی بوینجہ ایسہ ینہ (قوردیللر دہ زاند) طاغری متسلسلاً واقع اولمشدر.

(ینار طاغری)

آمریقای شمالیدہ بولنان ینار طاغلردن (ورانکل) و (سن الیاس) و (تمپو) نام اوچ عدد ینار طاغ (آلاسقا) دنیلان قطعہ اراضیدہ واقع اولوب بربرندن پک اوزاق اولیہ رق برصرده کبی بولتمقدہ درلر و (ویرژینی) (پوپو قاتوپتل) نام ایکی عدد ینار طاغ دخی (مکسیقادہ) واقع اولوب اولکیسی (قالیفورنیا) دنیلان برشبہ جزیرہ نک

اوزرنده وایکنجیسی ایسه نفس مکسیقانک وسطنه یقین
برمحلده بولمقده در .

آمریقای جنوبیده اولان ینار طاغلرک عددی کثیر
اولوب جمله سی (قوردیلر ده زاند) اوزرنده و مشهور.
لرندن (پیشانشا) و (قوتوپاکس) نام ینار طاغلر اشبو
سلسله نك (اکواتور) یعنی (خط استوا) جمهوریتی ممالکنه
اصابت ایدن قسمنده و (اراکیا) ینارطاغی ایسه (پرو)
جمهوریتی ممالکنه اصابت ایدن دیگر قسمنده بولنه رق
زروه لرندن آتش صاحقدده درلر .

(سطح مائلری)

آمریقا قطعه سی باشلوجه ایکی سطح مائی حاوی
اولوب بری شرق سطح مائیدرکه صولرینی (بحر منجمد
شمالی) و (بحر محیط اطلاسی) یه سوق ایدر و بری دخی
غرب سطح مائیدرکه صولرینی بحر محیط کیره ایصال
ایدر .

(نه‌رلری)

آمریقای شمالیده شرق سطح مائی اوزرنده بولنان
نه‌رلردن (ماکنزیه) نه‌ری بحر منجمد شمالی یه و (شور-
شیل) نه‌ری (هوتسون) دکرینه و (سن لوران) نه‌ری یه (سن
لوران) کورفزیه آقمقده درلر .

و (میسوری) و (اوحیو) و (آرقانساز) ناملرنده
بولنان نہرلرک اجتماعندن حاصل اولان (میس سیس
سی پی) نام بیوک نہر ایله (ریوگران دلتورت) نہری
(مکسیقا) کورفزینہ آققده درلر .

و غرب سطح مائی اوزرنده دخی (قولومیا)
و (قولورادو) نہرلری بحر محیط کیرہ و (یوقون) نام نہر
(بہرنک) دکزینہ آققده درلر .

آمریقای جنوبیدہ شرق سطح مائی اوزرنده ایسہ
(اورانوق) و (آمازون) و (ریودولاپلاتا) نام نہرلر
(بحر محیط غربی) یہ آققده درلر .

(آمازون) نہری دنیادہ موجود نہرلرک الکیوکیدر .

(کوللری)

آمریقای شمالیدہ بولنان مشہور کوللردن (دب اکبر)
کولی معناسنہ اولان (گران اورس) کولیلہ (اسیر کولی)
معناسنہ اولان (اسقلاو) و (طاغلر کولی) معناسنہ اولان
(مونتانی) کوللری برر آیاق ایله (ماکنزیہ) نہرینہ
آققده درلر .

و (اونيك) نام كول دخی (هوتسون) دكزینه آقمقده در.
 و آمريكا كوللرينك الكيوکی اولان (سوپریور)
 كوليله (اورون) و (میشیگان) و (اریه) كوللری (سن
 لوران) نهرینه جریان ایتمکده درلر .

و (آمریکای وسطی) دنیلان طار قسم اوزرنده دخی
 (نیقاراغا) اسمنده بر كول اولوب آنتیل دكزینه
 آقمقده در .

و آمریکای جنوبیده دخی منتهای شالیسنده (مارا
 قایبو) نامنده بر كول اولوب آنتیل دكزینه و جنوب
 شرقیسنده ساحل اوزرنده (دوس پاتوس) یعنی قازلر
 اووایی کولی اولوب بحر محیط غربیه آقمقده درلر .
 و غرب طرفنده ایسه (تی تی قاقا) نام كول واقع اولوب
 هیچ بر طرفه آقامقده در .

﴿آمریکا قطعه سنده بولنان مملکتلر﴾

آمریکای شمالی (غروانلاند) آطه سی و (انگلین
 امریکایی) و (جواهر متفقہ آمریکا) و (مکسیقا)
 و (آمریکای وسطی) نام مملکتلری حاویدر .

(غروانلاند) آطه سی دانیمارقه دولتک ید اداره سنده
 بریوک جزیره اولوب هواسنک آشوری درجه صنوقلنی

حسبيله نفوسى آذر آذرده دانيمارقلو مهاجرلردن
و (اسکیمو) دنیلان جوجه قبیلهلردن عبارت اوله رق
بالقجیلقله کچنمکده درلر .

باشلوجه بلدهلری (فردریقسهاب) و (ژولیانسهاب)
نام قصبهلردر .

انکلیز امریقاسی (یکی بریتانیا) دنیلان غایت ککیش
بر اراضیدن عبارت اولوب شرقاً (برانزیویق جدید)
و (اسقوجیای جدید) قسملریله (ارض جدید) اطهسنی
حاوی اولمقده در . و قسم شمالیسی عادتاً بوزلرله مستور
اولدیغندن نفوسى آذر .

اونلرده اوروپالو مهاجرلرله (اسکیمو) لردر .
نفوسى چوجه و معمور اولان یری (قنادا) ایالتیدر .
مشهور شهرلرندن بری (قنادین هیئت متفقهسنی) تشکیل
ایدن ایالاتک مرکز ادارهسی اولان (اوت تاوا)
شهریدر .

دیکرلری ایسه (سن لوران) نهری اوزرنده واقع
(کبق) و (اونتاریو) کولی اوزرنده کائن (طورونطلو)
شهرلری ایله (برانزیویق جدید) و (اسقوجیای
جدید) قسملرینک کرسی* ادارهسی اولان (حالیفاقس)

شهریدر . و غرب جهتسده بحر محیط اوزرنده (انکلین
قولومبیا سی) دنیلان و آلتون معدنی اوجاقلرینی حاوی
اولان قسم ایله انکلین مهاجرلری اوله رق . نفوسی چو-
غالمقده اولان (وانقوور) آطه سی واقعدر . و (ارض
جدیده) آطه سنك جنوب جهتسده (سن پیر) و (میکلون)
اسملرنده ایکی كوچك آطه اولوب فرانسزلر تصرف
ایتمکده درلر .

(جواهر متفقۀ آمریکا)

جواهر متفقۀ آمریکا دنیلان مملکت اوتوزیدی
حکومت متفقهدن عبارت بریوک جمهوریتدر . حدودی
شمال طرفدن (بریتانیای جدید) و شرق طرفدن
(بحر محیط غربی) و غرب طرفدن (بحر محیط کیر)
ایله تحدید اولنمشدر . هوا سی معتدل و قرق ملیون
نفوسی حاوی اولدینی کبی اسباب معموریتدن صاییلان
(معارف عمومی) و (صنایع نفیسه) آز زمانده پك چوق
ترقی ایتمش و حالاده ترقی ایتمکده بولنمشدر غرب طرفنده
بولنان حکومت متفقهدن (کالیفورنیا) نك آلتون (ونوادا)
و (مکسیقای جدید) ك كموش معدنی اوجاقلری دنیاده

موجود اوجاقلرك معدنجه اك زنكیندر . اهالیسی شو قوجه جمهوریتی وجوده كتورن اوروپا و سیما انكلیز مهاجرلری اولوب اکثریت اوزره و رسمی لسان اوله رق انكلیزجه سویلمکده درلر یرو اهایسی ایسه غرب جنوبی طرفلرنده بولنمکده درلر .

مشهور شهرلرندن بری حکومت متفقهنك مرکز ادارهسی یعنی ریئس جمهورك مقری اولان (واشینغتون) شهر مشوریدر . سائر مشهور بلدهلری ایسه شرق ساحلی اوزرنده واقع اولان (پروقلاند) و (بوستون) و (نیورق) (فیلادلفیا) و (بالتیمور) و (ریچموند) و (قارلستون) و (نول اورلیان) شهرلریله شرق ساحلندن ایچرولرده بولنان (سن لوی) و (لویزویل) و (شیقاغو) شهرلیدر .

و غرب ساحلی اوزرنده دخی سان فرنیسکو (*) شهریدر و منتهای شمال غربیده واقع اولوب جواهر متفقه اراضیسنه علاوه قلنمش اولان (آلاسقا) نام مملکتك مشهور بلدهسی ایسه (آرقانجل **) قصبه سیدر .

(*) (سان) اسپانیولجه (سن) معناسندرکه (۳۵) صحیفده

ذکرلری یکمشد

(**) (آرخانجل) دخی دینور بك یوكسك بر قصبدر .

﴿مکسیقا﴾

مکسیقا مملکتی (جواهر متفقه) نك جنوب طرفنده
 و(آنتیل) دکری ایله بحر محیط کیر بیننده واقع (یوقاتان)
 و(قالیفورنیا) شبه جزیره لرینی حاویدر. و(مکسیقا
 جمهوریتی) نامیله یکر می درت حکومت متفقه دن متشکل
 بر حکومت جمهوریه طرفدن اداره اولمقدهدر. دنیانك
 اك حاصلاتی کموش معدنی اوجاقلری مکسیقاده (قالیفورنیا)
 نام محلهدر. و(ماعون) دنیلان مشهور اغاج
 و(وانیلیا) دنیلان قوقولی نبات مکسیقایه مخصوص
 محصولات کیدر. اهالیسنك اکثریسی اسپانیامهاجرلیدر.
 مشهور شهرلرندن بری جمهوریتك مرکز اداره سی اولان
 (مکسیکو) شهریدر سائرلری ایسه شرق ساحلنده کائن
 (وراقروز) و(قامپش) شهرلریله داخلده واقع (لاپوبلا)
 و(غوادالقسارا) و(مورلیا) شهریدر.

﴿آمریقای وسطی﴾

آمریقای وسطی دنیلان مملکت اوزونلامسنه اکسر
 بر اراضیدن عبارت اولوب (بوقاتان) شبه جزیره سی
 اوزرنده اولان بر قسمی انکلیزلرك تصرفلرنده اولدیغی
 حالده بش کوچك جمهوریتی حاویدر. انکلیزلره متعلق

اولان قسمك كرسيسى (بليز) شهريدر و جمهوريتلردن
برى (غواته مالا) جمهوريتى و مركز ادارهسى ينه
(غواته مالا) شهريدر .

وبرى (سان سالوادور) جمهوريتى و مركز ادارهسى
ينه (سان سالوادور) شهريدر .

وبرى دخى (هوندراس) جمهوريتى اولوب مركز
ادارهسى (قومايانا) شهريدر .

وبر ديكرى ايسه (نيقاراغا) جمهوريتى اولوب مركز
ادارهسى (ماناغه) شهريدر .

وبر ديكرى دخى (قوستاريقا) جمهوريتى اولوب
مركز ادارهسى (سن ژوزه) شهريدر .

(آمريقاي جنوبى)

آمريقاي جنوبى اون ايكي مملكتى حاوى اولوب جمله دن
برى (غرنا د جديد) جمهوريتى و ياخود (قولوميا)
دنيان مملتدر كه اكه شماله تصادف ايدنى و اهاليلى دخى
اسپانيا مهاجرلريدر مشهور شهرلرندن برى جمهوريتك
مركز ادارهسى اولان (بوغوتا) شهرى و سائرلى ايسه
شمال ساحلنده آمريقاد اكه اول تاسيس اولنان (قارتازن)
شهريله (پاناما) برزخى اوزرنده بولنان (پاناما) شهريدر

(و نهزولا) دنیلان مملکت دخی شمالی واقع اوله رق
جمهوریتله اداره اولمقده در . اهالیسی اسپانیامهاجرلریدر
مرکز جمهوریتی (قاراقاس) شهری ومعروف بلده لری
ایسه (ماراقایبو) و (بارسلونا) شهرلریدر .
(کویان) دنیلان مملکت (کویان انگلیزی) و (کویان
فرانسوی) و (کویان فلمنکی) ناملرنده اوچ قسمدن
عبارت اولوب (کویان انگلیزی) نك کرسیء اداره سی
(جورج توون) (*) و (کویان فرانسوی) نك دخی (قاین)
شهری و (کویان فلمنکی) نك دخی (پاراماریبو)
شهرلریدر .

﴿برهزیلیا﴾

آمریکای جنوبینك شرق طرفنده (برهزیلیا) مملکتی
واقع اولوب اراضیسی غایت ککیش فقط مقدار
نفوسی آذرر وایمراطوری (پورتکیز) قرالنی خانداننددر .
پایتختی جنوب شرقی ساحلی اوزرنده واقع (ریودوژانهرو)
شهرلریدر و سائر مشهور بلده لری ایسه (سان سالوادور)
و (پرانامبوق) و (پازا) شهرلریدر .

(*) (توون) انگلیزجه شهر دیمکدر

﴿ اراغوه ﴾

آمریقای جنوبینک شرق و بره زیلیانک جنوب طرفنده (اراغوه) جمهوریتی واقع اولوب مرکز جمهوریتی (ریودولابلاتا) نهری اوزرنده (مونته ویده یو) شهردر .

﴿ پاراغوه ﴾

ینه بره زیلیانک جنوب طرفنده داخلی (پاراغوه) جمهوریتی واقع اولوب مرکز جمهوریتی (آسسومسیون) شهردر آمریقای جنوبینک غرب طرفنده اسپانیا مهاجرلرینک تأسیس ایتدکلری جمهوریتلر واقع اولمشلدر .

﴿ اکواتور ﴾ (*)

بری (اکواتور) یعنی (خطاستوا) جمهوریتی اولوب تماما (خطاستوا) تحتیه تصادف ایتمشدر مرکز جمهوریتی (کیتو) شهری معروف بلده سی دخی (غویاکیل) شهردر .

﴿ پرو ﴾

بری دخی (پرو) جمهوریتی اولوب مرکز جمهوریتی ساحلده واقع (لیمّا) شهری و معروف بلده سی ایسه (کوزقو) شهردر .

(*) الف مفتوح و قالین اوقنور .

(بولیویا)

وبری دخی (بولیویا) جمهوری اولوب مرکز
جمهوریتی (شوکیزاقا) شهری وسائر مشهور بلده لری ایسه
کموش معدن او جاقلرینی حاوی (پوتوزی) و آلتون معدن
او جاقلرینی شامل (لاپاز) شهر لیدر .

(شیلی)

(شیلی) جمهوری دخی جنوب جهتده اوزونلامسینه
ساحلی اوله رق واقع اولوب مرکز جمهوریتی (سانتیاگو)
شهریدر (والبارهزو) بلده سی ایسه مهم بر موقعدر .

(لاپلاتا)

متفقۀ (ارژانتین) دنیلان (لاپلاتا) جمهوریتی منتهای
جنوبه یقین اوله رق واقع اولوب مرکز جمهوریتی (بونو-
زایر) شهری و (پارانا) دخی مشهور بلده سیدر .

(پاتاگونیا)

(پاتاگونیا) دنیلان مملکت منتهای جنوبده واقع
اولوب اهالیسی بر طاقم وحشی قبیله لردن عبارت اولمغله
مهم بلده سی یوق کیدر .

(آنتیل آطه‌لری)

بیوک آنتیل آطه‌لرندن (لوقای) نام دیگر (باحاما) مجموع اطه‌لریله (ژاماییق) اطه‌سی انکلیزلرک تحت تصر. فلرنده در. کرسیء اداره‌سی (ژاماییق) اطه‌سی اوزرنده واقع کنیستون شهریدر .

واک جیمی اولان (کوبا) اطه‌سیله (پورتوریکو) اطه‌سی دخی اسپانیالولرک تحت تصرفلرنده در کرسیء اداره‌سی (کوبا) اطه‌سی اوزرنده کائن (حوانا) شهریدر واک مشهوری اولان (هاییتی) اطه‌سنک دخی برقمی (دومنیق) اسمنده برجهوریتک و غرب قسمی دخی (هاییتی) نامنده دیگر برجهوریتک تصرفلرنده اولوب (دومنیق) جهوریتک مرکز اداره‌سی (سن دومنیق) شهری و (هاییتی) جهوریتک دخی (پورتو پرنس) شهریدر کوچک آنتیل آطه‌لرینی تشکیل ایدن کوچک آطه‌لرک هربری ایسه اوروپا دولتلرندن برینک تصرفنده در .

(آمریقا قطعه‌سنک مقدار نفوسی)

آمریقا قطعه‌سنک مقدار نفوسی (۸۵) ملیون قدر

تخمین اولنمقده در مقدار نفوسی اك زیاده اولان مملکت
(جواهر متفقه) در .

آمریقا قطعه‌سی اهایسینك جنسرلیله دینلری ﴿
آمریقا قطعه‌سنده بولنان نفوس انکلیز و فرانسز
واسپانیا و پورتکیز مهاجرلرندن عبارت اولمغه جمله
(قوقاس) عرقی فقط اسپانیا مهاجرلرینك قوللانمقده
اولدقلری آفریقالو کوله‌لر (زنجی) عرقیدرلر .

مهاجر اهایلیسی عموماً خرستیان و یالکزر کوله‌لردن
بعضیلری مسلمان . ویرلو اهایلسندن هندی دنیلان قزل
رنکلو وحشیلر دخی بت پرستدرلر .

﴿اوقیانوسیا قطعه‌سی﴾

(آوسترالیا = فلمنك جدید) دخی دینور

(اوقیانوسیا قطعه‌سینك موقع وحدودی وجسامتی)

(اوقیانوسیا) دنیلان (جزائر بحر محیط) قطعه‌سی
(آسیا) قطعه‌سینك جنوب شرقی و (آمریقا) قطعه‌سینك دخی
جنوب غربی جهتلرنده و (بحر محیط هندی) ایله (بحر
محیط کیر) بیننده واقع اولوب بیوك و کوچك برچوك
جزیره‌لری حاویدر . مساحت سطحیه‌سی (۱۰,۵۰۰,۰۰۰)

کیلومتر و مربع اولمقله جسامتجه دخی همان (اوروپا)
قطعه سندن زیاده جه کبیدر .

(اوقیانوسیا قطعه سنک تقسیمی)

اوقیانوسیا قطعه سی (مالزیا) و (ملانزیا) و (میکرونزیا)
و (پولینزیا) ناملریله درت قسمه آیرلمش و (اراضی قطب
جنوبی) دخی اوقیانوسیا قطعه سندن صایلمشدر .

(مالزیا)

مالزیا قسمنک حاوی اولدینی آطه لر (جزائر هندی)
اسی ایله ده یاد اولمقله اولوب مشهورلری (صوند)
و (سلب) و (بورنه و) و (مولوک) و (فیلیپین) مجموع
آطه لیدر . بر چوق و از جمله (لامونغانغ) و (بالی)
و (طومبورو) ینار طاغلرینی حاوی اولان (صوند)
مجموع آطه لرینک مشهورلری دخی (صوماترا) و (ژوا
= جوا) و (تیمور) آطه لیدر . (صوماترا) آطه سنک
شمال غربی قسمی (آچه) دنیلان یرلو اسلام حکومتی
تصرفنده و دیگر قسمیله (ژوا) آطه سی و (تیمور) آطه سنک
یاریسی دخی فلمنک دولتی تصرفنده در و کرسی اداره سی
(ژوا) آطه سی اوزرنده واقع (پاتاویا) شهریدر . (تیمور)

آطه سنك بر قسمی ایسه پورتکیز دولتی تصرفده در .
 (بورنه‌ؤو) آطه‌سی جسیمجه و خط استوا تحتده اولوب
 قسم شمالیسی یرلو اسلاملرک و قسم جنوبیسی دخی
 فلمنکلورلرک تصرفلرنده در . مشهور بلده‌سی یرلوردن
 بر سلطانک قرارگاهی و جوهر معدنلرینی حاوی اولان
 (بورنه‌ؤو) شهریدر (سلب) آطه‌لری دخی خط استوا
 تحتده اولدقلری حالدہ فلمنکلورلرک تصرفلرنده درلر .
 (فلیپین) آطه‌لرینک مشهورلری (لسون) و (مینداناؤو)
 و (پالاوان) نام آطه‌لر اولوب اسپانیالورلرک ضبطلرنده ،
 فقط (مینداناؤو) آطه‌سیله (پالاوان) آطه‌سنک بر قسمی
 یرلورلرک تصرفلرنده در . و مشهور بلده‌سی (لسون)
 آطه‌سی اوزرنده واقع (مانیلا) شهریدر .

(ملانزیا)

(ملانزیا) قسمنک حاوی اولدینی آطه‌لردن اک
 باشلوجه‌سی (۴۵۰۰) کیلومتر و طولنده و (۲۰۰۰)
 کیلومتر عرضنده اولان و اوروپا قطعه‌سنک همان درتده
 اوچی جسامتده و انکلتزه دولتنک ضبطنده بولنان
 (اوسترالیا) و نام آخرله (فلمنک جدید) آطه‌سی اولوب
 شمال طرفده (آرافورا) و (قورالین) دکنلریله

(قارپنتاری) کورفزینی وینه شمال طرفده (یورق) وجنوب طرفده (ویلسون) (*) برونلرینی حاوی اولمقده در. ساحل شرقیسی اوزرنده (بلو) صره طاغلری ووسط جنوبیسنده (ایر) و (کردر) کوللری واقع اولدیگی کبی (مورای) نام بیوجک نهر شرق جنوبیسندن دکره آقمقده در داخلأ احوالی مجهول ایسه ده ساحلری وساحلدن پک چوق ایچری یرلری انکلیز حکومت ومهاجرلری طرفدن اعمار اولمش وکلیت اوزره بولنان آلتون معدنلرندن استفاده اولمقده بولمشد.

وهر بری بر ولایت کرسی اداره سی اولان مشهور شهرلری (بریسبانی) و (سیدنی) و (ملبورن) و (آدلاید) و (پرت) نام بلده لردر. ودیکر آطه لری ایسه (فلمنک جدید) آطه سنک شمال جهتده بر چوق یوکسک تپه لری وینار طاغی حاوی اولان (کینه جدید) وجنوب جهتده کائن (ارض دیه من) دنیلان (تاسمانی) نام جسیمجه آطه لره شرق جهتده بولنان (بریتانیای جدید) و (سایان)

(*) واوی غایت قالدیجه اوقنور زیرا بواسم انکلیرجه اونوب (w) حرفیله یازلمقده در.

و (سان تاقروز) و (وتی) (*) نام دیگرله (فیچی) و (ابرید جدید) و (قالدونیاى جدید) (**) مجموع آطه‌لریدر .
 «آده‌لری بر چوق مرجان قیالرینى حاوی اولمغه کیمیلر ایچون مرور و عبور مخاطره‌لیدر» (کینه‌ جدید) آطه‌سنک بر قسمی فلمنکلورلک و (تاسمانی) آطه‌سیله (فیچی) آطه‌لری انکلیزلرک و (قالدونیاى جدید) آطه‌لری دخی فرانسزلرک تصرفلرنده‌درلر .

(میکرونزیا)

کوچک آطه‌لر دیمک اولان (میکرونزیا) قسمنک حاوی اولدیغی آطه‌لر دخی (ماجللان) و (ماریان) و (پالو) و (قارولین) و (مارشال) و (ژیلبر) مجموع آطه‌لرندن عبارتدر . (ماریان) آطه‌لری اسپانیالورک تحت تصرفلرنده بولمقده‌در .

(پولینزیا)

چوق آطه‌لر دیمک اولان (پولینزیا) قسمنک حاوی اولدیغی مشهور آطه‌لر ایسه (ساندویچ) و (ناویغاتور) و (سوسیته) و (توبوای) و (باس) و (غامیر) و (مندانا)

(*) واو قالین اوقنور . (**) قاف ایله دال قالین ولام

مفتوح واینجد اوقنو

و (مارکیز) و (باق (*)) و (زلاند جدید) مجموع آطه لیدر.
 (ساندویچ) آطه لیرینک بیوجک و متعارف اولانی اوزرنده
 (ممالوی) نام بر مشهور ینار طماعی بولسان (حاوی)
 اطه سی اولوب اداره سی مستقلدر مارکیز اطه لری (ملانزیا)
 قسمنده اولان (قالدونیا جدید) اطه لریله برابر فرانسز
 جانیرینک منافاسیدر (پولینزیا) اطه لیرینک اک بیوکلری
 اولوب (شمال) و (جنوب) اطه لری ناملریله باشلوجه ایکی
 اطه یی جامع و (اکموند) نام مشهور ینار طماغ ایله و (فرانقلن)
 و (قواوق) یوکسک تپه لرینی حاوی اولان (زلاند جدید)
 اطه لرینی انکلیزلر تصرف ایتمکده درلر کرسیء اداره سی
 قیمتی معدنلرک کثرتیله شهرت بولان و (لنغتون) (**)
 شهریدر.

﴿اراضیء قطب جنوبی﴾

(اراضیء قطب جنوبی) دینلان قسم (فلمنک جدید)
 اطه سی استقامتده و قطب جنوبی یقیننده واقع و بوزلرله
 مستور اولوب کوریه بیلان یرلری (ارض و یقتوریا)

(*) بیوک یورقی و پاسقالیا معناسنددر.

(**) واوی مفتوح و قالین و ایکنجی لام مکسور اوقنور.

و(ارض ادلی) و(ارض اندربی) تسمیه اولنان محللریدر.
و آثار عمارتدن بالکلیه خالیدر.

(اوقیانوسیا قطعه سنک مقدار نفوسی)

اوقیانوسیا قطعه سنک مقدار نفوسی (۴۰) ملیونه
قریب تخمین اولمقدهدر. واک چوغی (اوسترالیا) دینلان
(فلنک جدید) اطه سیله (صوند) مجموع اطلرندهدر.


(اوقیانوسیا قطعه سی اهایلینک جنسلیله دینلری)

(مقروزی) و (ملانزی) و (پولینزی) قسملرینک یرلی
اهالیسی (زنجی) جنسنه منسوبدرلر. فقط افریقا
زنجیلرندن برونلرینک قیصه وزاویه لی وساچلرینک سرت
وغایت صیق اولمسيله فرق اولنورلر و (آوسترالیا)
و (تاسمانی) و (زلاند جدید) و (قالدونیای جدید)
آطلرله دهبا بعض آطلرک مهاجر اهایلیسی ایسه (قوقاس)
جنسی یعنی بیاضلردر.

یرلو اهایلیسی بعض آطلرلده (وحشی) و (بدوی)
اولدقلری کبی بعضیلرندهده مدنیدرلر. (مارکین) آطلرینک
ودها سائر بعض آطلرک وحشی اهایلیسی افریقاده
(نیام نیام) لر کبی انسان اتی ییمکدهدرلر.

یرلواهایلسندن (مدنی) و (بدوی) اولانلرک اکثریسی

وا از جمله (مالزیا) اهالیسی دین مین اسلام ایله
متدیندرلر. وحشیلر ایسه بت پرست اولدقلری حالده
بعض آطه لرده وخصوصیه (پولینزیا) قسمنده شدت
وحشترندن (دری) کیمکده درلر. مهاجرلر دخی عیسوی
اولدقلری کبی وحشیلر بیننده عیسوی لکک انتشارینه
غیرت ایتکده درلر.



﴿ کره یه متعلق بحضار ﴾

﴿ کره مصنعه ﴾

تخته‌دن و یاخود مقوادن یاپیلان و اوزرینه کره
مسطحه‌ده اولدینی وجهله قطعه‌لر رسم و نقش ایدیلان
یووارلق شیئه (کره مصنعه) دیرلر .

قطبلردن کچمک اوزره بر قوشاق ایله و خط استوا
اوزرتدن کچمک اوزره دخی بر دیگر قوشاق ایله احاطه
اولنمغله کره اشبو قوشاقلر آلتنده و محوری اطرافنده
تحزیک ایدیلولر . مذکور قوشاقلر تام دائره اوله رق

پرنجیدن یا پیلوب اوج یوز آلتیشدر درجه‌یه تقسیم و بهر
درجه‌ده التیشدر دقیقه اعتبار اولمشدر .
قطبلردن کچن قوشاق دائره‌یه (نصف النهار)
ویا خود (طول دائره‌سی) و دیکرینه دخی (خط استوا)
ویا خود (عرض دائره‌سی) دینلمکده بولمشدر .

طول و عرض

(طول)

(طول) دیو کره ارض اوزرنده بولنان هر قنیه
بر مملکتک (مبدأ طول) ه شرقاً و غرباً اولان اوزاقلغنه
دینلور (مبدأ طول) ایسه قطبلردن کچمک اوزره کره
اوزرنده رسم ایدیلان و هر برینه (نصف النهار) ده
دینلان دائره‌لرک بریسنه تسمیه و اعتبار ایدیلور .
نته کیم بزم مملکتمزده یا بیلان کره و یا خریطه‌لرده
استانبولدن کچن (نصف النهار) (مبدأ طول) اعتبار
اولتمقده در . بزم کبی هر دولته کندی پایتختدن مرور
ایدن (نصف النهار) مبدأ طول اعتبار ایتمکده درلر و بو
نصف النهار قالنجه رسم اولنور .
(نصف النهار) لر بینلری دائماً مساوی یعنی اکثری
اوزر درجه‌یی حاوی اولمق اوزره تقسیم اولنور لر (مبدأ

طول) اعتبار اولنان نصف النهارك صاغنده یعنی شرق جهتده بولنان مملكتلرك طوللری شرقی وصولنده یعنی غرب جهتده بولنان مملكتلرك دخی طوللری غربی اولورلر .

كرك طول شرقیلر و كرك طول غربیلر بدرجه دن بدأ ایله نهایت یوز سكسانر درجه یه قدر و اكر كسرلی اولورلرایسه درجه ودقیقه سیله حساب اولورلر .

(طول تعیینی)

بر مملكتك طولنی بولمق اومملكتدن كچن (نصف النهار) ایله (مبدأ طول) آره سنده بولنان اوزاقلغك یعنی دائره پارچه سنك (درجه) سنی تعیین دیمك اولوب اوده طولی كوسترن دائره پارچه سنك قوشاق خط استوا دائره سی اوزرینه نقلیه حساب اولنمقدن عبارتدر . مثلاً مبدأ طول استانبولدن كچن (نصف النهار) اولدیغنه كوره بغداد شهرینك طولنی تعیین ایتمك مراد اولنسه بغداد شهری (كره) نك پرنج نصف النهاری آلتیه كتو. ریله رك (مبدأ طول) ایله بغدادك نصف النهاری حكمنه كیرن قوشاق نصف النهار و خط استوا اوزرنده واقع

قوس یعنی دائره پارچه سنك درجه سی صایلدقده بغدادك
ذاتاً استانبولك شرقده بولنسیله (۱۵) درجه طول
شرقیده بولندیگی اكلاشلمش اولور و بونك كبی استانبولك
غربنده بولنان بر مملكتك دخی طول غربیسی تعیین
اولور .

﴿ طول تعیینك فائده سی ﴾

طول حسابیله شرقه دوشن مملكتلرده نقدر وقت
اول صباح اوله جنی بیلنه بیلیر چونكه كوش بر ساعت
مدتده كره ارض اوزرنده اون بش درجه لك مسافه یی
آیدینلا تدیغدن بر مملكتك اون بش درجه شرقده
بولنان هر قنغی بر مملكتده بر ساعت اول و كرا اوتوز درجه
شرقده بولنان مملكتده ایکی ساعت، اول و الخ صباح
اولور و بوتقدیرجه بغدادده استانبولدن بر ساعت اول
صبح اولیور دیمكدر .

﴿ عرض ﴾

عرض دخی بر مملكتك (خط استوا) دن شمالاً
و یا جنوباً اولان اوزاقلغنه دینلور . (خط استوا) ایسه
قطبلردن باشلیه رق كره اوزرنده شرقدن غربه طوغری

رسم اولسان و (عرض دائره لری) و یاخود (دوائر متوازيه) دینلان دائره لرك اك بيوكنه تسميه اولنور كه بود دائره لرك بينلری هر حالده مساوی و اكثری اوز درجه یی حاوی اولق اوزره رسم ایدیلور لر .

(خط استوا) کره یی شمالی و جنوبی ایکی یه تقسیم ایتمش اولدیغندن نصف کره شمالیده بولنان مملکتلرك عرضلری شمالی و نصف کره جنوبیده بولنان مملکتلرك عرضلری دخی جنوبی اولور لر . كرك شمالی و كرك جنوبی اولسون نهایت طقساز درجه یه قدر حساب اولنور لر .

(عرض تعینی)

بر مملکتك عرضنی بولق او مملکتدن کچن نصف النهار اوزرنده و مملکت ایله خط استوا بیننده اولان اوزاقلغك یعنی دائره پارچه سنك درجه سنی تعین دیمك اولوب بودخی دائره پارچه سنك قوشاق نصف النهار آلتیه وضعیله حساب اولنمقدن عبارتدر .

مثلا استانبولك عرضنی تعین ایتك مراد اولنسه استانبول شهری کره اوزرنده قوشاق نصف النهار آلتیه وضع اولنهرق خط استوایه قدر درجه لری صایلدقده استانبول ذاتاً نصف کره شمالیده بولندیغندن (۴۱) درجه

و (۴۲) دقیقه عرض شمالیده اولدینی آکلاشلمش اولور و بو وجهله نصف کره جنوبیده اولان بر مملکتک دخی عرض جنوبیسی تعیین اولنور .

(عرض تعیینک فائده سی)

عرض تعیینله هر قنئی بر مملکتک هواسنک شدت و یا اعتدالی اکلاشیله بیلور . چونکه کونشک تاثیر حرارتی اقلیمه کوره اوله جغندن عرضی تعیین اولسان مملکتک شوموسمده هواسی صیجاق و یا معتدل و یا خود صغوقدر دیو حکم اولنور .

(لاحقہ)

یوقارودن بری اسماری و خاصه لری ذکر و تعریف اولنان دائره لر کره مسطحه لر و سائر خریطه لر اولنیده دخی رسم اولنمقده اولدقلرندن و طول و عرض ذرجه لری دخی کتابه لرینک کنارلرینه و دائره لرک کتابه لرله برلشد . کلری اوجلرینه وضع و اشارت اولندقلرندن هر قنئی بر مملکتک طول و عرضی کره مسطحه لردن و خریطه لردنده سهولتله تعیین و استخراج اولنور .

اشبو (مختصر جغرافیا) علاوه و تصحیح عاجزانه مله
دردنجی دفعه اوله رق فی ۲۵ رمضان المبارک سنه ۱۳۰۲
چهارشنبه کونی طبع و تمثیل اولندی .
الحمد لخالق الکوینین اولاً و آخراً والصلوة والسلام
على جميع الانبياء والمرسلين مقدماً ومؤخراً . لاسيما
على رسول الثقلين وآله اجمعين .

مدرسیندن میحالیجی
مصطفی

